

18 اکتوبر، 2005

ماہنامہ
گوجا پبلسٹری
اکتوبر 2023
اسلام آباد
ڈیپلوماسی رسالہ

تہرتی کا پسلیطیانی سب گجر ملیامیٹ کیو



زیر اہتمام: گوجرانٹرنیشنل سیکرٹریٹ

اس شماره ماں

صفحہ نمبر	لکھاری	عنوان
03	شائلہ چوہدری	☆ - حرف آغاز
05	شیر احمد کھٹانہ	☆ - مقصد زندگی
06	رفیق شاہد	☆ - تہرتی کوپسلیو
07	کاشوم چوہدری	☆ - احساس
11	شازیہ چوہدری	☆ - اکویں صدی، گوجری اردو افسانو
14	مشتاق خالد چوہدری	☆ - افسانو
16	رانانا ابراہیم کھٹانہ	☆ - گوجری انشائیو
19	عبدالرؤف کالوخیل	☆ - نکھیرو
20	معاذ خان	☆ - تبدیلی ویلاکی لوڑ
21	چوہدری عاصم الحسن	☆ - کہانی
22	بانو چوہان	☆ - مسافر
26	بلال زم زم	☆ - نظم
28	جاوید مسرور	☆ - غزل
29	صدام صارف	☆ - غزل
30	زاہدہ خانم	☆ - غزل
31	حسن دین حسن	☆ - غزل
32	چوہدری تاج دین تاج	☆ - غزل

سرپرست اعلیٰ
سنیٹر چوہدری محمد جعفر اقبال
سردار گوجر قوم



مدیر اعلیٰ
محمد رفیق شاہد



مدیرہ
شائلہ چوہدری



E-Mail: gojriadabpk@gmail.com WhatsApp: +923101878887

حرفِ آغاز

قارئین تھاری نیک خواہشات ویلے کویلے پھرتی رہیں۔ مہارواوسطے یاہ گل قابل قدر ہے جیے تم سرحد کا دواں پاسیں رسالہ کی اڈیک رکھیں۔ تھاری اڈیک چیتو کر اوے تاں جے ویلے سریاہ امانت تھارے توڑی پچ سکے۔ کائے وی لکھت لکھاری واسطے اس کی اولاد جون وائے وہ اس کی نوک پلک سنوار تو، اس ناں بار بار پڑھتو مچنگو دو توں بعد چھاپے چاڑھے۔ فروہ دھیان رکھے لکھت پڑھن آلاں ناکنتی پسند آئی، کس نے تنقید کی تے کس نے تنقیص کی۔ اس توں بعد وی دھیان رکھے اس لکھت ناں اپنے ناویں نہ چاڑلے۔ لکھاری کی زندگانی اسراہ ہی لنگ جیے۔ پہلاں زمانہ مانھ شاعر ادیب گراں گراں جیں تھاشہر شہر پچن وراستقبال وائے تھو۔ لوک ان کی مہمان داری کریں تھافر وقت بدلیو تے لوکاں کا طور طریقہ وی بدل گیا۔ شاعران نے لکھت محفوظ کرنی شروع کیں تے لوکاں نے کتاب خریدن مانھ سہولت جانی ورا اس موقعہ ور پڑھن لکھن توں عاجز لوک پڑھیا لکھیا در دیکھن ور مجبور ہو یا۔ ٹولیاں کی صورت مانھ کتاب پڑھن کی محفل ہون لگ پئیں۔ مہارامچ بڑا بڈھیر اس گل کا گواہ ہیں جے خوشی، غم کا موقع ور کتاب پڑھن غور و اج عام تھو۔ یوسلسلواج وی کدھے کدھے موجود ہے۔ زیادہ تر مک گیو، اس کی وجہ دنیا نصیری تیز ہو گئی ہے۔ آج ہم مصنوعی ذہانت کا دور مانھ قدم رکھ چکیا ہیں۔ جیڑی منفاں مانھ مچ ساری کتاب کنگال غے خلاصو مہیا کر سکے، ترجمو کر دے، تصویر بنا لے، دنیا کو کائے وی سوال ڈھنگ نال پوچھو جائے تے جواب چادے۔ بس ہم یوں سمجھ سکاں گراں کا 150 سالہ باوا کی جاہ اس مصنوعی ذہانت نے سام لی ہے۔ ویسے دن آلا کی اہمیت زیادہ وئے ورات پوچھن آلا کی مچ سپیے۔ خیر اجاں مصنوعی ذہانت وی ادب تخلیق کرن توں قاصر ہی ہے ور کے پوکھل کلاں یو کم وی شروع ہو ہی جیے غو۔ اس ترقی کو فائدہ، نقصان اپنی جاہ ور کچھلی صدی کا لوکاں نا تھوڑی اوکھت وائے گی جیڑا کمپیوٹر، موبائل، لیب ٹاپ، انٹرنیٹ کو دور دیکھ غے آج مصنوعی ذہانت کو شور وی سنیں لو۔ ترقی کی رفتار تیز ہو گئی ہے، ہم نے کچھ نو نہیں نوی نسل ناں اس کا استعمال کا قابل بنا غے ہی دو جی دنیا کو مقابلو کرنو ہے۔ آج غو انسان مشین بنیو وا ہے۔ دنیا سنگڑ گئی ہے۔ دنیا کی یا نجوری حالت مہاری ہی ہتھاں کی بڈھی وی گٹھ ہیں جیری کے پتو داندان نال ہی کھلنی پئے جیس گی۔ ہم اس دنیا مانھ خوش ہیں، ایک گل صاف ہے۔ ادیب شاعر نو اوا ہیں یا مچ پرانا ساراں کی پہچان، ان کو قد کاٹھ ان کی لکھتاں سنگ ہے۔ شاعر ادیب، نقاد اپنی تحریر سنگ ہمیشہ ساری حیاتی جیتا رہیں۔ اس دور مانھ ضرورت اس چیز کی ہے جیچ پرانا لکھاڑیاں کی لکھت بودو ہیں، محققین اس در توجہ کریں۔ ادب جت مہارے واسطیز ندگی ناں سنوارن کو ذریعو ہیا و تے زبان کا فروغ تے ادبی چاشنی توں لطف اندوز ہون کو ذریعو وی ہے۔ جس کی تروتج مانھ تخلیق کار کو کردار نما نور ہے۔

شمانکہ چوہدری

ضروری اطلاع

گوجری ادب رسالہ گوجری زبان و ادب کی ترویج و اشاعت واسطے کم کرن آلاں کو اپنور سالو ہے۔ مہار و مقصد غیر مطبوعہ گوجری ادب ناباندے لیا کے اس نان محفوظ کرن کے نال نال نواں لکھن آلاں کی حوصلہ افزائی کرنو ہے۔ ہر علاقہ کا اپنا اپنا لہجہ ہیں۔ اپنواپنوں کو انداز ہے ظاہری گل جیہڑ و جسرح کو لہجو استعمال کر رہیو ہے اُس کے نزدیک وہ ہی لہجو اصل ہے اس نان اپنی رہت بہت تے اپنا لہجہ نال پیار ہے۔ اس واسطے ہم کسے وی لہجہ نان نہ غلط کہن کا حقدار آں تے نہ ہی اس کی نفی کر سکاں۔ گلگت مان رہن آلاں نان کے پتو پونچھی گوجری کو لہجو کیسو ہے، اُنھاں واسطے تے ان کو لہجو ہی اصل تے ٹھیٹھ ہے۔ لہذا گوجری ادب مان شائع ہون آلی کائے وی تحریر ہو بہو اسے طرح شائع کی جائے جسرح قلم کار ہمنان ٹورے۔ اس توں علاوہ کائے وی تحریر چاہے شاعری وے یا نثر اس کی مکمل ذمہ داری لکھاری و رعاندوے گی ادارو اس کو ہرگز ذمہ دار نہیں ہو سے۔

گوجری ادب رسالہ واسطے شاعری، نثر، افسانہ، کہانیاں، لوک ادب، مضامین کی صورت مان اپنیاں غیر مطبوعہ تحریر ہمنان ہر مہینہ کی 20 تاریخ توں پہلاں پہلاں بھیج چھوڑیا کرو۔ کیونجے مہاری کوشش وے جے ہر مہینہ کا پہلا ہفتہ مان ہی گوجری ادب رسالہ تیار ہو کے تھاری بصارتاں تک پونچ جائے۔ لہذا تم گوجری مان جو کجھ وی لکھنو چاہویں بلا جھجک لکھ کے ہمنان اس پتہ ورا رسال کرو، واٹس ایپ کرو یا ای میل کرو، تھاری مرضی۔

ڈاک پتو: ہاؤس نمبر 257، گلی نمبر 23، سیکڑای سیون اسلام آباد

واٹس ایپ: +923101878887 ای میل: gojriadabpk@gmail.com

☆☆☆☆☆ مقصدِ زندگی ☆☆☆☆☆

اک اپنومشکل ویلے پاسوکھا کے دل توں ایسولہہ جائے بے ہزار کوشش کے باوجود بھی اس واسطے دل ماجگہ نی ہوتی۔

اس واسطے کوشش یاہ کرنی اے بے کسے کی دل آزاری نہ ہوے بلکہ ہر لمحہ کسی ناکسی طرح ہر کسے کی خیر بھلائی ہو جائے

حدیث کو مفہوم اے تم زمیں آلاں پورحم کرو آسمان آلو تم پورحم

کرے گو۔ ایک دو جی حدیث کو مفہوم اے۔ لوکاں ما بہترین وہ اے

جس تے ہوراں لوکاں نان خیر پہنچے۔ اس وجہ تیں اک چنگا انسان کے

اندر دو جانا خیر پہنچان کو جذبہ ہونو از حد ضروری اے۔ یوہ جذبہ اللہ ہم سارا

نا نصیب کرے۔ خیر توں ہی خیر پھیلے۔ بے خیری توں بے خیری پھیلے۔

خیر پہنچان، بھلائی پہنچان تے محبت کرن نال دشمن بھی دوست بن

جائے۔ ضد کرن حسد رکھن تے بخیلی کرن نال اپنا بھی دشمن بن جائیں۔

اللہ کو لکھ لکھ شکر اے بے گجر قوم پو ایک لمبوز وال کو دور گزرن تے بعد پھر مڑ

کے سراٹھان کی ہمت پیدا ہوئی اے تو گجر قوم واسطے ضروری اے بے

ان کے اندر تمام تو ماں واسطے بالعموم تے اپنی قوم واسطے بالخصوص خیر

خواہی کو جذبہ ہووے۔ یوہ جذبہ تو عصب، حسد، کینہ تے بغض توں مکمل

پاک ہونو چاہیے۔

نی الوقت یوہ جذبہ الحمد للہ کافی حد تک مہارے اندر موجود اے

۔ یاہ ہی وجہ اے بے گجر آج دن گئی رات چگنی ترقی کرتا جا رہیا

ہیں۔ الحمد للہ الحمد للہ۔ ہم کدے اینو ہی کیجا ہو کے اپنا مسائل خود حل کرتا

رہیا تے اس مان کوئے شک نی بے ہم تا ولا ہی خود کفیل ہو جاں گاتے

کسے کے آگے ہاتھ پھیلاں کی نوبت وی کدے نی آسے۔

بس اللہ تعالیٰ کے حضور مہاری ساراں کی یاہ ہی دعا ہے بے اللہ پاک

ہمناں خلوص، محبت، ہمدردی تے شعور کی دولت عطا فرما کے اتفاق تے

اتحاد کی دولت توں نوازے آمین۔

اپنی ذات کا اندر ایک ایسو

انسان ڈھونڈو بے صرف اپنا واسطے

ہی نہ بلکہ ہوراں کا واسطے بھی جیان

آ تو ہوے۔ رحم دلی دنیا کو بہوں چنگو

تے خوبصورت تحفو اے۔ اپنی کجھ

خوشیاں تے اللہ کا ڈباتے عطا کی

گئیں نعمت ہوراں ما بھی تقسیم کیا

کروں شاید ان نا زیادہ ضرورت

ہوے۔ اللہ کا نیڑے بہترین انسان وہ اے جس کو وجود ہوراں کا واسطے

فائدہ مند ہوے۔!!

سمندر اپنی مچھیاں نا آپ نی کھا تو، دریا اپنا پانی نا آپ نی پتو،

روکھ (درخت) اپنا پھل نا آپ نی کھا تو، یہ سارا ہوراں نا کھاناں پینا

پیں، لہذا حقیقی خوشی کو راز اسے گل ما چھپو وہ ہے بے انسان ہوراں کے

کم آ جائے۔ اللہ نا مہرباں کرنو اے تو اس کی مخلوق پر اپنی مہربانیاں نان

نچھاور کروتے کسے ضرورت مند کی ضرورت پوری کر کے فخر نال شکر ادا

کرو بے رب نے اس قابل بنا یو بے اس کی عطا نان اس کی مخلوق

مان تقسیم کر رہیو ہاں۔ زندگی کو اصل مقصد کائنات کو شعور حاصل کر کے

بے سہارا انساناں کی زندگی مان حوصلہ پیدا کرنو تے مرجھایا ہو یا چہراں پو

مسکرا ہٹ لیانی اے۔۔ یوہ نہ بھلیو بے جنازہ تے پہلاں بھی انسان نا

مچ ساری جگاں مان مو ہنڈا دین کی ضرورت ہووے۔ مشکل وقت ما

مو ہنڈا کو سہارو تے دلا سو دین آ لو کوئی اجنبی بھی ہوے تو وہ دل ما اتر

جائے۔۔۔ تے اس وقت ما کتنا رہ کرنو آ لو کوئی اپنو ہی کیوں نہ ہوئے پر

دل تے اتر جائے۔۔۔!!

جت مشکل مان کم آ کے اک اجنبی دل ماجگہ بنا لیئے تے اُتے ہی



شیر احمد کھٹانہ

(اوگی، مانسہرہ کے پی کے)

تہرتی کا پسلیٹانے سب کچھ ملیا میٹ کیو

18 اکتوبر 2005، تیناں پہلنو سوکھونیں

نیں تھو۔ اک قیامت برپا ہو گئی تھی۔ زندہ بچ جان آلا اپنا پیاراں کی تلاش ماں بے حال ہوتا جا رہیا تھا۔ اسے نفسا نفسی ماں دن گزر گیو۔ دیگر کے نیڑے نیڑے اک اک گھر وچوں کئی کئی جنازہ اٹھن لگا۔ شہرتے مارکیٹ تباہ ہو گئیں تھیں اس واسطے لفن دفن کو انتظام کرنو کتنو مشکل تھو قیاس کرتاں وی رونگھٹا کھلا ہو جائیں۔ لاش تے لاش کچھ زندہ لوک وی ملبہ کا ٹھہراں پیٹھ دہیا وا تھا۔ کتنی بے بسی تے کر بناک کیفیت تھی جے اُنھاں کا پیارا اُنھاں کی چیخ و پکار تے سن سکیں تھا مگر اُنھاں کی جان بچان تے اُنھاں ناں ملبہ پٹھوں کدھن توں بے بس تھا۔ ہتھاں نال تے یوہ کم ہونیں سکے تھو اور ہیوی مشینری ناپید تھی۔ سڑک پھٹ گئیں تھیں موصلات کو نظام تباہ تے برباد ہو گیو تھو۔ اس مشکل وقت ماں پاک فوج نے ہمیشہ کی طرح کردار ادا کیو تے ابتدائی طبی امداد تے ریلیف کا کماں ماں مصروف ہو گیا۔ حالانکہ بنکر تے فوجی عمارت ٹھن کی وجہ نال مچ جانی تے مالی نقصان ہو گیو تھو۔ دن گزرتا چلیا گیا۔ ملبہ کا پٹھوں آن آلیں آواز بلیں بلیں خاموش ہو گئیں۔ بحالی تے ریلیف کا مرحلو شروع ہوو۔ زندگی آہستہ آہستہ فرجین کاراہ ور چلنو شروع ہو گئی مگر ہمنان یوہ زلزلو بجائے سدھرن کے، بجائے سبق سکھن کے، بجائے رجوع کرن کے بگاڑ آلے پاسے لے گیو۔ بھائی چارو ختم ہو گیو، نفسا نفسی شروع ہو گئی۔ وے برائیں جیریں اس خطہ ماں نیں تھیں وے کسے پاسوں آن نازل ہونیں۔ زلزلو آن توں پہلاں کشمیر ماں زیادہ تر کچا کوٹھا ویں تھا۔ جہاں ماں نہ سیالا ماں ٹھنڈ تے نہی ہی گرمیاں ماں ہسڑ وے تھو۔ موبائل فون سروس نہ ہون کی وجہ توں وی بڑوسکون تھو۔ لوک خبر گیری یا خیر سکھ کو پتو کرن واسطے میلاں کو سفر کر کے اک دو جا کو لے جا پونچیں تھا۔ مہمان نوازیں ویں تھیں۔ مہمان جان ماں خوشی تے میزبان مہمان کی آمد و خوشی محسوس

8 اکتوبر 2005 کو

دھیٹو و جہاں نے اپنی اکھاں نال دیکھیو ہے، وے تے کدے وی جیتے جی نیں بھل سکتا۔ اکتوبر کا مہینو ہراٹھ اکتوبر۔۔۔ کی وے یاد لے کے سامنے کھلو ہو جائے جے انسان کا دل ناچیر کے رکھ چھوڑے۔ وہ اللہ کا قہر تے غضب کو دھیٹو تھو۔



رفیق شاہد

(اسلام آباد)

رمضان المبارک کی مبارک ساعت وی تھیں، اسوجیہو مصروف ترین مہینو وی تھو۔ کچھ لوک جیہڑا کماں کا جاں توں بہلا تھا وے سرگی کھا کے فجر کی نماز ادا کرن توں بعد سو گیا تھا۔ کچھ اسو ماں گھاہ کٹائی ماں مصروف تھا۔ دفتراں تے اسکولاں ماں جان آلا ملازمین، اساتذہ تے بچہ اپنی اپنی جگہاں ور پوچھا وا تھا۔ دفتری کم جاری تھا۔ سکولاں، کالجوں تے درسگاہواں ماں پڑھائی ہو رہی تھی۔ کس ناں پتو تھو جے اچانک تہرتی پسلیٹو مارن آلی ہے۔ اچانک اک خوف ناک آواز آئی کسے نے سوچیو کوئے جنگی جہاز گزر رہی ہے، کوئے سوچن لگو شاید بارش تے طوفان آن آلو ہے، اُنھاں سوچاں کے بشکار کچھ ساعتوں ماں ہی کسے ناں کچھ پتو نیں چلیو جے کے ہو رہی ہے تے کے ہو گیو ہے۔ تہرتی نے پسلیٹو ماریو، ایک طوفان تے آندھی نے بوٹا جڑوں اکھاڑ کے پھینک چھوڑیا۔ پکھم اتنو شدید تھو جے تہرتی پھٹ گئی۔ کوٹھا ٹہہ گیا، شہر ملیا میٹ ہو گیا۔ آبادیں بربادی ماں بدل گئیں۔ ہاسہ رواں تے پٹاس ماں بدل گیا۔ سکون تے آرام کرن آلا کچھ چھتاں پیٹھ آکے اللہ کے حضور حاضر ہو گیا تے زندہ بچ جان آلاں کی چیخ و پکار کدے سنائی دیے تھی تے کدے کوئے سنن آلو ہی

روحانی تے فکری طور وروی مہارے پلے کجھ نہ رہیو۔ ہم اخلاقی، عملی، ادبی، فکری ہر سطح ورتے ہر پاسوں کنگال ہو گیا۔ زلزلو آ کے ہمنان موبائل فون دے گیو، کچاں کوٹھاں کی جگہ پکا بنگلا دے گیو، جدت تے فیشن دے گیو۔ مگر اس کے نال نال شروم و حیا، بھائی چارو، مروت، ہمدردی، سادگی، سکون، تہذیب، محبت، شفقت، انسانیت، ایمانداری سمیت ہر چنگی چیز نال لے گیو۔ بجائے اس کے جے ہم اس قیامت توں سبق حاصل کر کے بہتری کی راہ ورتتا ہمنیں پٹھی راہ ورت چلنو شروع کر دتو ہے۔ ہم کدے اس دلدل وچوں نہ نکلیا تے کدے دوبارہ 2005 جیسا امتحان کوشکار نہ ہو جاں۔ اللہ مہارے در رحم فرماوے، ہمنان ہدایت عطا فرماوے تے اپنا غضب توں بچا کے اپنو فضل عطا فرماوے

کرے تھو۔ اک دو جاناں مل کے باغ باغ ہو جائیں تھو۔ زلزلہ توں بعد یاہ روایت وی دم تروٹ گئی، موبائل ٹیلی فون آ گیا، فرائٹرنیٹ آ گیو، پہلاں کال کر کے خیر سکھ پچھیں تھو، فر وائس ایپ وریڈیو کال کر کے شکل وی دیکھ لیں گل وی کر لیں۔ ملاقات کرن کو چاء چک گیو۔ بلیں بلیں اپناں توں لوک بیگاناں ہوتا چلیا گیا۔ احساس تے ہمدردی اور تے اور خونی رشتاں ماوی نہ رہی۔ نفسا نفسی اور چھکو چھک ماں مصروف ہو گیا۔ بڑاں کولے نکاں واسطے شفقت تے نکاں کولے بڑاں واسطے عزت تے احترام کو جڈو موجود تھو۔ شرم و حیا، ایمانداری، تے خدا خونی کیں برکت وی موجود تھیں۔ 2005 کا منحوس سال نے مہارے کولوں مہاریں روایت کھس لیں، اک زلزلہ نے پلے کجھ نہیں چھوڑ پوتھو دوجے

احساس

وی مچ نرو پوتے سولو گزریو۔ ورجوانی مانھ پیر ترتاں ہی ہر رنگ کا قضاں نے مندی طرح پیپڑ لی۔ ہن واہ اپنا پ نانھ بے بس جی سمجھن لگی۔ نازیہ کا خیالاں مانہ ڈب کے ہوں اپنا پ ناوی پہل گی مجھ ورتتی ہی تھپ آ گی مناں کولے پتو نہ چلیو۔ جد خیالاں توں باہر نکلی بغیر کجھ سوچے نازیہ کا گھر در کورستو پکڑ لیو تے جاسلام بجاویو۔ جد اس کے گھر بچی تے واہ کتے اندر ہی پت مار کے بیٹھی وی تھی۔ نازیہ فون ورت گل کرے تھی۔۔۔ جد گل کر کے کئی میں پچھو کس نال گل کرے تھی تے توں ہر ویلے اندر کیوں بڑی رہے۔ نازیہ نے مشکڑی پرتاں کہیو یوہ میر و بھرو شریف ہے ہوں اتے اپنا در اپنے نال بندتی رہوں۔ اس کی اس مشکراٹ مانھ مناں کجھ غم ادھر تا سہی ہو یا۔ میں پچھو کس نال گل کرے تھی۔۔۔ نازیہ چھٹ اک چپ رہی تے فر بولی۔ میر و کسے نال کولے رشتو نی بس زندگی مانھ اک احساس کورشتو بنیو ہے۔ ہور میر و اس دنیا مانھ کولے نی۔۔۔ انگا ہی گل کروں تھی۔۔۔۔۔ میں کہیو دس تے سہی وہ کہو و رشتو

ہاڑ جیٹھ نے

تھپ کو کھرام مچا چھوڑیو۔ اندراک ادکھی جین حرام کرگی اس را لگے تھو جے یاہ مکھی وی اپنا خاندان نالو پچھڑن کو دکھ میرا و رہی کڈن لگی ہے۔ باہرتی لو چلے تھی ارام کدے نہ لگے بیڑا مانھ ڈھڑیا منجھا وریک کی چھاں مانھ بیس کے



تحریر

کلثوم چوہدری، جموں و کشمیر

سوچوں جیہر انسان کے اندر کولے نہ کولے ان ڈیٹھو خواب ضرور چھپیو ہے۔ خاب پاویں چھوٹھا ویں یا سچا وریہر انسان کی خواہش مانھ موجود ویں۔ بس یہ خاب جد ٹٹا سہی لگیں تاں اس راہ لگے جس راہ سچا پھٹ بچوں لہو بھگتو وے۔ میں باندے باچھڑوی خاب ٹٹا دیکھیا۔ یہ خاب کسے ہور کانی بلکہ نازیہ کا تھا جڑی میری بچپن کی دوست تھی۔ نازیہ کو بچپن

کالم۔۔ اکویں صدی ما اردو ہور گوجری افسانو: اک جائزو



اردو تحقیق: محمد ارشد کسانہ
ریسرچ اسکالر، دہلی یونیورسٹی

پنجابی ادب میں استفادہ کیوں کیوں بعد میں ان کی توجہ اردو ادب و مرکز ہو گئی۔ جسراہ شروعاتی دور ما اردو نے فارسی زبان تیا ادب میں استفادہ کیونہو بالکل اسے طرح تیں بعد گوجری نے اردو زبان تے ادب میں استفادہ کیوں۔ گوجری آلاں نے اردو کی ساری صفاں نا اپنان کو سلسلہ شروع کردتو۔ انہاں ہی صفاں وچوں اک صنف افسانو تھی۔



گوجری ترجمو
شازیہ چوہدری، راجوروی

گوجری زبان ہندستان کی قدیم زبانوں وچوں اک زبان ہے جس کا منڈھلا نمونہ ہم نا پنجویں یا چھٹیویں صدی عیسوی تیں لکھیں۔ ہندستان ما اس قوم کو گجرات نال بڑو ڈھنگو رشتو رہیو ہے۔ گجرات ما جد تک گجر حکومت قائم رہی تے تک اس زبان ما چنگو خیر و ادب وی تخلیق ہو۔ جد مسلماناں نے گجرات و حملو کیوتے گجر حکومت کو خاتمہ ہو گیو۔

گوجری افسانہ کی شروعات اردو افسانہ کا مقابلہ مانچ دیر نال ہو۔ گوجری کو پہلو باقاعدہ افسانو مارب کی کرنی کا عنوان نال شائع ہو۔ ہور اس کا خالق چوہدری اقبال عظیم تھا۔ اس وقت اردو افسانو ترقی کی اچیاںیاں ورتھو ہور اسے تیں متاثر ہو کے گوجری ما افسانہ کی شروعات ہو۔ لہذا ات یوہ کہنو غلط نہیں ہو سے جد گوجری ادب نے صنف افسانہ نا براہ راست اردو تیں لیو ہے۔ عبدالمجید حسرت اس بارہ ما اسراہ لکھیں جہ:

گوجری افسانہ کی پیدائش اس وقت ہوئی جد اردو افسانو نمونو بن کے اس کے سامنے کھلو تھو۔

(دوماہی شیرازہ گوجری، جموں و کشمیر کلچر اکیڈمی، جلد ۱، ع ۱۰۰)
اسے حوالہ نال خوشد یو مینی اک جا لکھیں:

کیونے اردو رسم الخط ہی گوجری کو وی رسم الخط بنا لیو گیوتے گوجری کا افسانہ نگارویہ ہی تھا جیہڑا جد اردو جانیں تھا۔ اس را اردو افسانہ کی روایات کو سدھواتر تے چھاملو گوجری افسانہ پر وی پیو ہے۔

(مہاروادب، جلد ۱، کلچرل اکیڈمی سری نگر، ع ۱۰۰)

اس کو اثر گوجری زبان وروی پو لہذا ایہ قوم ہندوستان کا بلکہ بلکہ علاقوں ما کھنڈ گئی۔ مجودہ عہد ما یہ لوک مچ تعداد ما ہندستان، پاکستان افغانستان ہور دنیا کا کئیں دو جاں ملاں ما بسیں۔ ان کی زبان ادب کی نویں نویں اچیاںیاں نا پگڑے لگی۔

گوجری ہندستان کی اک قدیم زبان ہے جیہڑی نواں دور ما ملک کا کئیں حصاں ما علاقائی اثر کے پٹھ تھوڑا مچ بدلا کے نال رائج ہے۔ لیکن گجر حکومت کا موکلن تیں بعد اس زبان کی اہمیت وی مک گ۔ یاہ ہی وجہ تھی جہ ستارویں صدی تیں لے کے بیویں صدی کا شروع تک یاہ زبان ادبی سطح و رچپ چاپ رہی۔ اس چپ کا کئیں اور وی سبب تھا لیکن اس عہد مالوک ادب کو سلسلو جاری رہیو۔

جموں و کشمیر ما گوجری زبان بولن آلاں کی اک بڑی تعداد ہے۔ ات یاہ زبان صدیاں تیں رائج ہے۔ ات قدیم زمانہ تیں ہی گجر قوم مالوک ادب کی ڈاڈھی روایت قائم رہی ہے۔ بیویں صدی کی چوتھی دہائی ما گوجری زبان ما تحریری ادب کی شروعات ہوے۔ لیکن اس ما باقاعدگی کے بعد ہی دیکھن نا لکھے۔ پہلاں پہل گوجری ادبیاں تے شاعران نے

اردو افسانوں کی ترقی یافتہ صنف ہے۔ اک سو تیس سالہ سفر تیس بعد اردو افسانوں کا مقام ورنہ چھوٹا ہے جبکہ اردو کا کئی بڑا ادیبوں نے اکیسویں صدی کی پہلی دہائیوں میں اردو افسانہ کی ابتدا کی ہے۔ اکیسویں صدی کی پہلی دہائیوں میں اردو کا نو سو تیس زیادہ افسانوی مجموعے باندھے گئے ہیں۔ جدجہ گوجری افسانہ کو سفر اجاں پنجتالی سالہ ہی ہو رہا ہے اور اس کی رفتار مچ سست دیکھن نا بھی ہے۔ گوجری کو پہلو افسانوی مجموعہ (ماکورا کاغذ) ڈاکٹر رفیق انجم (کا عنوان نال شائع ہو رہا ہے۔ ہور فر مجموعوں کی اشاعت کو سلسلو اکیسویں صدی جاری رہی ہے۔ تے ہن تک کوئے پندرہ افسانوی مجموعے شائع ہوئے ہیں۔ لیکن یہ سلسلو دن بہ دن رفتار پگڑ رہی ہے۔ گوجری افسانوں اور افسانہ کا مقابلہ اس واسطے وی چکھے ہے کیوں کہ گوجری زبان بولن آلا لوکاں کی تعداد گھٹ ہے۔ ہور جت تک علاقہ کی گل ہے تے اردو زبان نہ صرف ہندستان، پاکستان بلکن دنیا کا کئی دو جاں ملاں مادی بولی جئے۔ اس کا مقابلہ ماگوجری زبان ہندستان ہور پاکستان کے کچھ ہی علاقوں مادی بولی جئے۔ گوجری ادب خالص جموں و کشمیر ماہی رانج ہے۔

موضوعاتی اعتبار نال اردو افسانوں مقامی سطح تیں لے کے بین الاقوامی سطح تک کا مسئلہ اپنے اندر سمیٹ رہی ہے۔ انسان، سماج، ملک ہور دنیا کی ہر کروٹ پر اردو افسانہ نے نظر جمار کھی ہے۔ ماضی، حال تے مستقبل کی جدوجہد ہور تقابل ناوی افسانہ نے موضوع بنا یو ہے۔ عالمی سطح کی سیاسی کشمکش تیں لے کے ماحولیاتی آلودگی ہور سائنس تے ٹکنالوجی کا منفی اثرات ناوی اردو افسانہ نگاراں نے مچ ہی فن کاری نال پیش کیو ہے۔ آب حیات محمد فرقان سمبھلی، ابن آدم خالدہ حسین، آجادی غلام نبی شاہد، عباس نے کہا جیلانی بانو، دجمنہ بیگ احساس، خالی ہوا یہ دل فردوس حیدر، لنگی شمول احمد، خالد کا ختنہ غضنفر، عنکبوت شمول احمد وغیرہ اس افسانہ ہیں جن مادی اکیسویں صدی کا محمول ہور مسئلہ دیکھن نا لہجہ جئیں۔ جدجہ گوجری افسانوں مادی موضوعات کا اعتبار نال اتنی بناوٹ نہیں لہتی۔ ات اناج وی افسانوں نگار زیادہ تر سماج کے آسپاس پھرتا ٹرتاں وادسیں۔ ہر زبان کو ادب اپنی قوم یا سماج کو ترجمان ہوئے۔ گوجری ادب وی گجر قوم کو

اکیسویں صدی تک آتا آتاں گوجری افسانہ کی رفتار مچ تیز ہو گئی۔ ہور رسالوں تے جریداں تیں علاوہ افسانوی مجموعوں کی اشاعت کو سلسلو وی شروع ہو گئی۔

اردو افسانہ کی شروعات اکیسویں صدی کی پہلی دہائی مادی ہور اس وقت تیں لے کے اناج تک اس کو پالو کئیں تحریکاں تے رجحانات نال پوگر کدے وی اس کی ترقی ماکوئے روڑو نہیں آئی۔ اکیسویں صدی اپنا شروع تیں ہی اک بکھ ہور منفر دیکھان کا طور ورنہ باندھے آئی۔ دراصل اکیسویں صدی نا ہم بیویں صدی مادی دیکھیا خاباں کی تعبیر کہہ سکاں۔ یہ صدی نہ صرف ادب بلکن سیاسی، سماجی، معاشی، سائنسی، ہور ٹکنالوجی گویا ہر لحاظ نال اک بکھ و مقام رکھے۔ اس صدی کی شروعات ہی دہشت، بربریت ہور جنگ لے جدل نال ہوئی۔ امریکہ ہور اسرائیل کی اسلامی ملاں و رساکشی، افغانستان ہور پاکستان ورنہ راون حملہ، دہشت گرداں کی تحریکاں کو وجود مادی آئی، ایٹمی ہتھیاراں کی بدھتی وی تعداد، سائنسی کارنامہ ٹکنالوجی، ہور سوشل نیورنگ کی شروعات، ہندستان تے پاکستان کا رشتاں مادی آئی کڑواہٹ، گلوبلائزیشن، آلودگی، تانیثیت وغیرہ تیں علاوہ سینکڑاں اس مسئلہ تھا جن تیں اک عام انسان متاثر ہون تیں بغیر نہیں رہ سکے تھو اس مادی ادب کسراہ پچھاں رہتو۔ اردو افسانہ نگاراں نے زیادہ تر ان ہی مسئلاں پر قلم چایو۔ اکیسویں صدی کا محمول کا حوالہ نال سلیم سا لک اک جا لکھیں:

اکیسویں صدی کا آغاز ایک ایسا عالمی پس منظر رکھتا ہے جس میں طاقت ہی کو انصاف اور تہذیب کا درجہ حاصل ہو گیا ہے۔ عراق، افغانستان، لبنان اور کشمیر عالمی طاقتوں کی ریشہ دوانیوں کا شکار رہے ہیں۔ یہ بات متحسن ہے کہ جدید نسل ان موضوعات پر قلم اٹھانے پر کسی جھجک کا مظاہرہ نہیں کرتی اور یہ بات بھی نوٹ کی گئی ہے کہ نئی نسل میڈیا اور ٹکنالوجی میں رہنے والی تبدیلیوں اور اثرات کو بھی افسانہ کا حصہ بنا رہی ہے جو نہ صرف نئے عالمی شعور کا پتہ دیتی ہے بلکہ تخلیقی سطح پر نئے امکانات کی خبر بھی لاتی ہے

(سلیم سا لک، مزاج و منہاج، جموں و کشمیر کلچر اکیڈمی، ص)

افساناں مازیاہ تر بیانیہ ور ہی زور دتو گیو ہے اس تیں علاوہ فلیش بیک، مکالمہ، خودکلامی وغیرہ کی تکنیک ماوی مچ سارا افسانہ لہجہ جیں۔ اکویں صدی کا اردو افساناں ما تکنیک کا حوالہ نال کچھ نواں تجربہ وی لہجیں جسراہ چینگ کی تکنیک، فون کال کی تکنیک، کولائز وغیرہ۔ مشکل تکنیک جن نا جدید پسنداں نے پروان چڑھا یوتھو ہن نواں عہد ماسپ ہوتی جارہی ہیں۔ اردو افسانہ نگاراں نے سوکھت مگر تکنیک کا مدان ماتنوع آئیو۔ جدجہ گوجری افساناں ما تکنیک کا حوالہ نال اتنوتنوع نہیں لہجھتو۔ گوجری افسانہ نگاراں نے اردو کی روایتی ہور عام رائج تکنیکاں نا ہی اپنا افساناں ما برتیو ہے۔

اگرچہ گوجری ما افسانہ کی صنف اردو ادب کی دین ہے مگر اس کو آغاز اس ویلے ہو یو جد اردو ادب رومانیت، حقیقت پسندی، ترقی پسند تحریک، حلقہ ارباب ذوق اور جدیدیت تیں لنگ کے مابعد جدیدیت کا رنگ ما کچھ گیو تھو۔ نیڑے تیڑے پچھتر سال کی عمر تیں بعد اردو افسانہ کا بطن تیں گوجری افسانہ نے جنم لیو ہے۔ اس رشتہ ہور فاصلہ نامد نظر رکھتاں ما ہم اردو ہور گوجری افسانہ کو تقابل نہیں کر سکتا۔ کیوں جہاں گوجری افسانہ نا اردو افسانہ کے بروبر نہیں ٹھہرایو جا سکتو۔ لیکن یوہ سچ ہے جہ گوجری افسانہ نے اک پچی ہاروں اردو افسانہ کی انگلی اپنا ہتھاں ما پکڑ رکھی ہے۔ جہدیاں تے پریشانیوں کو دور اردو افسانو دیکھ چکیو ہے جدجہ گوجری افسانہ واسطے راہ سدھو ہوتو جارہیو ہے۔ گوجری افسانہ ما اجاں وہ معیار دیکھن نا نہیں لہجو جیہڑ وارو افسانہ نگاراں کول مجود ہے۔ اجاں اس میعار تک کچھنو باقی ہے۔ ات تک یاہ گل وی دسی ضروری ہے جہ اردو افسانہ کے بارے تیں بعد لے کے اچ تک کچھ ادیبیاں نے یوہ طنز کیو ہے جہ تیں بعد اردو افساناں نہیں لکھیا گیا۔ اسے موضوع نامد نظر رکھتاں ما مشرف عالم زوقی لکھیں :

85 کے بعد کہانی نہیں لکھی گئی کا سیدھا جواب ہے کہ 85 کے بعد اردو فکشن کے سنجیدہ اور ایماندار نقاد سائے نہیں آئے

(آب روان کبیر، مشرف عالم زوقی، ایجوکیشنل پبلیشنگ ہاؤس دہلی،

2013ء)

ترجمان ہے۔ جموں و کشمیر ما یاہ قوم جہالت کو شکا رہی ہے۔ یاہ ہی وجہ ہے کہ جد گوجری ادب کو آغاز ہو یو تے شاعران ہور ادیبیاں کو پہلو مقصد قوم کی اصلاح تھو۔ ہور چوں کہ یاہ قوم اجیں وی ترقی یافتہ نہیں ہو سکی اس واسطے اصلاحی ادب کو سلسلو اجیں وی جاری ہے۔ اردو افسانو مقامی ہور قومی حدیاں تیں لنگ کے عالمی سطح وراپنی پچھان بنا چکیو ہے ہور عالمی مسائل تے محول کی وی ترجمانی کر رہیو ہے۔ لیکن گوجری افسانو موضوعاتی اعتبار نال اجاں وی اپنا سماج کو ہی ترجمان بنا لیو وہ ہے۔ مگر کچھ افسانہ نگاراں نے عالمی مسائل کا پس منظر ما وی پچھا افسانہ تخلیق کیا ہیں۔ جسراہ ایم۔ کے وقار کو افسانو آدمی، عبدالحمید کسانہ کو سادو، نصر الدین بارو کو خاکی ہور آپت کی چھاں، امین قمر کو دو جو پھیر و محمد شریف شاہین کو وقت کا آتھروں وغیرہ۔ اچ گوجری افسانو وی بلیں بلیں نوسویں صدی کا محول ما ڈھلتو جارہیو ہے۔ ہور اردو افسانہ کے پچھے پچھے اسے راہ ورگازن ہے۔

موضوع تیں بعد افسانہ ما اسلوب کی مچ اہمیت ہوے۔ بنیادی طور ورا اسلوب کو تعلق صنف کے بجائے فنکار نال ہوے لیکن اسلوب اک اسی چیز ہے جیہڑی افسانہ کی کامیابی یا ناکامی طے کر ہے۔ اکویں صدی کا اردو افسانہ نگاراں نے اسلوب ورا تنی توجہ نہیں دتی جتنی بیہویں صدی کا افسانہ نگاروں نے دتی تھی۔ اچ افسانہ نگار کی زیادہ توجہ موضوع آلے پاسے رہ ہور فر ہر افسانہ ما تجرباں ہور محول کو بدلا ان کا اسلوب نا برقرار نہیں رہن دیتو۔ یاہ ہی وجہ ہے جہ اردو افسانہ نگار میکل اسلوب کی شناخت تیں محروم ہور ہیا ہیں۔ جدجہ اس معاملہ ما گوجری افسانہ نگاراں نے بازی ماری ہے۔ ایم۔ کے وقار، ڈاکٹر رفیق انجم، قیصر الدین قیصر، عبدالحمید کسانہ ہور نصر الدین بارو اپنا اسلوب کی وجہ تیں ہی مشہور ہیں۔ ان کی زبان ہور طرز تحریر ما زیادہ تبدیلیں ہور تجرباں نہیں دستا۔ ان کے کول جملہ کی ساخت وے، لفظاں کو ذخیر و وے یا فر موضوع کے نال ٹریٹمنٹ تمام افساناں ما اک جسوانداز برقرار رہ۔ اس تیں علاوہ اردو کی مٹھاس نا انھاں نے گوجری زبان ما آباد رکھیو ہے۔

تکنیک کا حوالہ نال اگر دیکھیو جئے تے اکویں صدی کا اردو

افسانو سائیکو



افسانہ نگار: مشتاق خالد چوہدری
(اوڑی جموں کشمیر)

مہریاں کاتت جد کسے ہمڑتی چنچی نانھ لگ جئیں تے وا اپنی بہار دسن تے
مشک کاہر کارا کھنڈیاں تیں پہلاں ہی چھو نسسے جے۔ فر پہانویں جتنو
مرضی بتر ہوئے واہری نہیں ہوتی۔ ویلا کا اساہی پرت مانھ نیوں ہو یوجہ
شاہ زمان نانھ مہناز کا ہمدردانہ ساتھ کی وجہ تیں اپنو آپ سمھالن کو پھر پور
موقعو ملیو۔ ہور وہ اپنی کامیابی آلے پاسے بدھتاں ہن وہ شاہ زمان تیں
ڈاکٹر شاہ زمان بن گیو۔ ایماں مہناز کو پیر کامیابی کی پٹری پروں ترنجھ گیو
تے وا اپنی زندگی کو سارو کجھ ہن ڈاکٹر شاہ زمان نانھ ہی سمجھن لگ پئی
تھی۔ فرجد مہناز نانھ بے مہریاں کاتت لگاتے وا تہاڑا تیں تہاڑے
چھو نستی گئی۔ ڈاکٹر شاہ زمان اپنی حیثیت کے برو برا یکن الہڑھ جئی شہر کی
کڑی کادل کا بزار مانھ اپنی محبت کی مٹلی نانھ دا پر لا آ یوتھو تے بلیں بلیں
مہناز تیں پیر کھسکان کی کوشک مانھ لگو تھو۔ ایماں مہناز نانھ ہن ایک پل
کی دوری وی میلاں کو پینڈو سہئی لگے تھو۔ تے وا کسے نہ کسے پہانے
روزانو ڈاکٹر شاہ زمان نانھ ملن تے اپنا نیناں کی تس بجھان واسطے اس کا
مطب مانھ جا پو پچے تھی۔ جت ڈاکٹر شاہ زمان نانھ اس کو آ نوچ ہی پھیر و
لگے تھو۔ ڈاکٹر شاہ زمان کوئے نہ کوئے پہانو کر کے مطب کا بچھوالی آلا
بوہا تیں کھسک جے تھو تے مہناز اپنا ارماناں کی پنڈ کا مناں پہار پٹھ دبی
وی ڈبرانی ہوئی وی نیناں کی تس نانھ وصل کا سگ نال بجھان کے
بجائے اندروں سمندر کا چھل کسرے ڈکیا وا اتھروں ترم ترم کرتا
ڈوہلتاں وا کہر داہر پوئے تھی۔ ایکن تہاڑے مہناز اینویں تاپ کو پہانو
لا کے فیس داخل کر کے ڈاکٹر شاہ زمان نانھ ملن واسطے پرچی ہتھ مانھ لی
وی جا بیٹھی تے

باہنھ اگے کر کے کہن لگی ڈاکٹر صاحب داہنھ دیکھ مناں خیراں تہاڑاں
کی کس وی ہے ہور کجھ کر پینی جئی وی آنویں۔ کہیں نانھ بے عشق کا
بماراں کو مرض نبض ٹوہن نال اتوں پتو لگے۔ ڈاکٹر شاہ زمان مہناز تیں

کالج سیمینار مانھ شاہ
زمان نانھ پروفیسر نے چھڑک کے
موڑ چھڑیو تے اس نانھ اسٹیج پر اپنو
مقالو پیش نہ کرن دتو۔ کتو درد
ہوئے اس ویلے جد کسے کول لفظ
ہوئیں پر منھ پر اسوان ڈٹھو چھا بولگو
ہوئے جہ کوئے بول نہیں سکتو،

حرف ہوئیں پر قلم کی چنچ پر بروچن لگو ہوئے تے کوئے لکھ نہیں
سکتو۔ یوہ ہی کجھ شاہ زمان نال وی ہو گیو۔ وہ جد اسٹیج پروں پروفیسر نانھ
پچھ کے مڑیو تے سارا سیمینار ہال مانھ چچوہل مچ گیو۔ ہر پاسوں اس
نانھ ٹھٹھا کیا جان لگاتے وہ ات بیسن کے بجائے ہال بچوں باہر نکل
گیو۔ پتو نہیں کیوں پروفیسر تیں لے کے ساراں طالب علم گدرا گدراں
کو یوہ رو یو مہناز نانھ مچ پھیر و لگو تے واوی اراں پراں دیکھتاں بوہا تیں
باہر ہو گئی۔ ویہ دوئے ایکن دو جاتیں اوپرا تھو۔ پر کہیو جے نانھ جہ خوشی
مانھ ملا یو و ہتھ بلیں بلیں پھل جے پردھ درد مانھ بولیا وادو مٹھا بول کسے
ہمدرد کا دتا وامو ہنڈا کی ساہئی کی ڈاہئی سہئی لگیں ہور انسان اس احسان
نانھ کدے نہیں پہلا تو، پراج کل کا دور مانھ شاید اسونہیں ہوتو۔ وقتی طور
تے شاہ زمان واسطے مہناز کا ویہ دو بول وی بڑی ڈاہئی سہئی لگن لگ گیا تھا
تے وہ اپنو سارو درد کھلیار کھلیار کے مہناز کے اگے تہر تو گیو تے وا بیٹیل
بیٹیل کے اپنی بکل مانھ سمھالتی گئی۔ تے اسرے دواں مانھ خیراں جان
پچھان ہو گئی۔ فر بلیں بلیں وا جان پچھان دوستی کی کیاریاں بچوں
لہنگتاں کئیں پھلاں کی خوشبو نانھ نال لے کے پیار کا بانکا بوٹا کی ٹھنڈی
تے مٹھی چھاں پٹھ جا بیٹھی۔ جت ویہ ایک جندا ہو گیا، غیس واسطے وی
کجھ ہونو قیامت کو منظر پیش کرے تھو۔ کہیں نانھ ویلا کا پرت تے بے

مریضہ نانھ لے کے ہسپتال پونچ ہوں وی آ گیو۔ مہنازا اپنی خواباں مانھ گئی وی نرس نال ٹرپئی۔ ہسپتال پوچتاں ہی بسترہ پرلماں ہوں واسطے وارڈ کی نرس نے کیہو تے ذری چر بعد ایک سو کیو۔ مہنازا نانھ ٹاہیکی محسوس ہوتاں ہنگلا ہن آ گیو تے واسوگئی۔ ہوش آن بعد جد اس نے اپنی اکھ ملہوں واسطے ہتھ اکھاں داہر آنیاں تے اپناں نازک گلہاں مانھ سوناں کا کڑا سجان کا خواب دیکھن آلی مہنازا نے سنہگل تے کاٹا دیکھیا تے وا ایک دم ہٹری پر کے دیکھے جے رکھیں وی وہی سنہگل تے کاٹا ہیں۔ اس نانھ کچھ سمجھ نہیں آ رہی تھی جہ وا کے کہ فروی اس نے ہمت کر کے نرس نانھ چکھو یوہ کے ہے؟ تے نرس نے جواب دتو "ڈاکٹر شاہ زمان کی رپورٹ کے مطابق توں 'سانکیو' ہے۔"

تچھو چھڑکان واسطے ہمیش سوچے تھوتے اج اس کو شاطر دماغ ایک دم زیوں چلیو جسرے بلٹ ریل۔ اس نے کیہو ہاں تیری صحت خیر ہی ٹھیک نہیں کچھ ٹیسٹ کرنا پونیں گا توں کل فر آئیے۔ مہنازا کل فر آن کو سنتاں ہی ایک دم پھنڈ گئی۔ تے پتو ہی نہیں چلیو جے کد کھر پونچ گئی۔ زیوں تے وا ساری رات ڈاکٹر شاہ زمان کا ہجرتے فراق مانھ پسلیا کرتی پاسا پرتی لہنگا چھڑے تھی۔ پراج کی رات وا اس خوشی مانھ ٹپا گئی جے چلوکتے اج بعد اس کا رویہ مانھ بدلا آ جئے گو۔ مہنازا ڈاکٹر شاہ زمان نال اس ملاقات کی اسرے اڈیک مانھ تھی جسرے روڑا نال ہڑیا وا ہوتران کی زمیں نانھ بدھل کا قطراں کی اڈیک۔ مہنازا اج بڑا چانال کچھ ذری پہلاں ہی ڈاکٹر شاہ زمان کا مطب مانھ پونچ گئی۔ تھوڑا چر بعد پرائیویٹ نرس نے باہر آ کے مہنازا نانھ کیہو جے ڈاکٹر صاحب کہیں انے توں

حدیث مبارکہ

مضور اکرم ﷺ نے فرمایو!

کدے تم چاہو یں جے تمہارو دل نرم وے تے
مسکین ناں کھانو کھلاؤ تے یتیم کا سرور ہتھ پھیرو

(صحیح البخاری: 5223)

گوجری انشائیو عنوان "ہتھ"



انشائیہ نگار "رانا ابراہیم کھٹانہ"
(ٹھنڈی ہلز جموں)

شناخت ہو راپنوذاتی ڈالو سمجھان تے کسے جگہ حاضری لان واسطے ان انگلیاں کا پوٹاں کا نشان لاوے۔ پہلاں تے ایک انپڑھ انسان دستخط کی جگہ اگھوٹھ کرے تھوور بن یوہ اگھوٹھ کر نو ہر انسان واسطے ضروری ہو گیوے جس نے ہتھ کی اہمیت نا ہو ضروری بنا چھڑیوے۔ انسان کا ہتھ مانہہ سب توں زیادہ ہڈی ہوئیں ہو سب توں بڑا تخلیق کار نے ہتھ اس حکمت نال بنا یوے جس کو کوئے جواب نہیں۔ اڈو؛ تلی؛ انج؛ پوٹا؛ نوٹھ؛ نوٹھ کی مہینڈی (اگھوٹھ ہتھ کا بکھ بکھ حصہ ہیں۔ ہتھ کا نوٹھ کی تے معمولی جی کچی ہڈی ہوئے وراس تے انسان کی کجھ بیماریاں کی شناخت وی لگے۔ ہتھ کی نیکی انگلی ناچھڑا انگلی کہو جائے؛ اگھوٹھا کے کول کی انگلی نا شہادت کی انگلی؛ دو جی دو بڑی انگلی تے چھاپ آلی۔ ہتھ نال منسلک گوجری کبت وی ہیں۔ ایکن کبت مانہہ انگلیاں کا بکھ بکھ ناں ہیں نیکی انگلی توں اگھوٹھا در؛ ان کا ناں اس طرحیا گنیا جائیں۔ نیکی جھمی؛ بلبل ہٹو؛ طام تاس؛ بیورانی؛ گوہو مندو۔ ایک ہو ر کبت ہے۔ اسے ترتیب نال انگلیاں کا مکالمہ نوں ہیں۔ (یاہ) کئی (انگلی کہہ بھکھ لگی۔ یاہ کہہ کے کراں؛ یاہ کے ادھار سدھار کراں؛ یاہ کہہ مکاوے گو کون؛ یاہ کہہ ہوں مکاں گو۔ عالمگیر سطح و لوکاں کو ایو وی عقیدو ہے جے ہتھ کی تلی کی لکیراں توں انسان کی تقدیر تے حالات کو پتو لایو جاسکے۔ ہتھ دیکھن آلا کو وی ایک کاروبار ہے تے اج تک کئی لوکاں نے زندگی کا اہم فیصلہ ہتھ کی لکیراں نا ہی دیکھ گے کیا ہوئیں گا۔ ہم وی اسکول کا دنناں مانہہ ایکن کسے نا پپر بنا گے اس نا ہتھ دساں تھاوہ پپر ہتھ کی لیکر دیکھ گے دسے تھو بے کس گیدرا کو رشتو کہڑی گیدری نال ہوئے گو۔ ہم اس کچی عمر مانہہ اسی خوش فہمی تے پریشانیاں توں وی گزریا ہاں البتہ بڑو چرو کونو جاگے پتو لگو اسکول کا پپر کو بنا یو وی کوئے جوڑو کا میاب نہ رہ سکيو۔ اسکول کا دنناں مانہہ ہی پچیراں ہتھوں کی تلیاں؛ انجاں تے پٹھاں نے استاد اں کی بڑی مار جھلی ہیں۔ کدے کدے جد ماسٹر پاسا جھمے تھوات وی ہتھ جاگے سٹ جھل لے تھو۔ ہتھ بٹن نا مٹھی کہو جائے تے ہتھ بٹ کے مارن نا کو کہو جائے۔ ہتھ نال کسے ماندہ یا بزرگ نا تھر پی کرن نا مکین مارنی کہو جائے۔ مطلب جے کسے گے ملو لگ گیو تے فر چنگی چنگی سنن نا لہیں تے جبکر مکین

دنیا مانہہ ہتھ جیسو کوئے ہتھیا نہیں ہوئیں۔ ہتھ انسان کا جسم کووہ انگ ہے جس نے دنیا کی دنیا ہی بدل چھوڑی ہے ہو دنیا کو کوئے کارنا مو نہیں جس مانہہ ہتھ کو ہتھ نہ ہوئے۔ اتی تخلیقات بچوں اللہ تعالیٰ نے ہتھ جیسی نعمت صرف انسان نا ہی دتی ہے۔ پہاڑی چوہا؛ گلہری؛ بن ماہناتے بوجو جیسا جانوراں نا وی انسان کا ہتھ نالوں) ہتھ حسا (پنجا ہوئیں۔ البتہ دنیا کی ساری حکمت انسان کا ہتھوں مانہہ ہی پوشیدہ ہیں۔ انسان نا اللہ نے دو ہتھ دتا ہیں۔ جن مانہہ اکثر لوکاں کو بھو ہتھ ہی زیادہ متحرک ہوئے تے زیادہ طاقتور وی بھو ہی ہتھ ہوئے۔ البتہ کجھاں لوکاں مانہہ سجا کے بجائے کھبا ہتھ مانہہ بدھیک زور ہوئے تے کجھ ایک لوکاں کا دوئے ہتھ برابر طاقت تے مہارت رکھیں۔ جہڑو انسان سجا ہتھ کے بجائے کھبا ہتھ نال کھائے اس نا کھو یا خشو کہو جائے۔ جس انسان کا ہتھ کی انگلیاں مانہہ کوئے کج ہوئے اس نا کھنو کہو جائے تے جس انسان کا ہتھ مانہہ کج ہوئے اس نا ٹنڈو کہو جائے۔ جس انسان کا ہتھ مانہہ پچ گے بجائے پچھے انگلی ہوئیں اس نا چھانکو اچھا لگی کہو جائے تے لوک عقیدہ کے مطابق ہتھ کو چھانکو انسان سلکھو تے نیک شکن ہوئے۔ انسان کا جسم کا دو پاساں وی ہوئیں تے ایک مہار؛ ورسچا پاسا نا سائنس نے زیادہ طاقتور قرار دتو ہے تے السلام نے وی فوقیت دتی ہے۔ اسلامی تعلیمات کے مطابق انسان نا مثبت کم سجا ہتھ نا سے مننی کم کہے ہتھ کرنا ہوئیں۔ ہتھ کی چار انگلی تے ایک اگھوٹھ ہوئے۔ ایک ضرب المثل ہے 'ہتھ کی پچ انگلی وی ایک ساں نہیں ہوتیں'۔ البتہ اج کو ہر انسان جانیں جے انگلیاں کا پوٹاں مانہہ جھڑی چہرہ ہیں ان مانہہ اللہ تعالیٰ نے ایسی حکمت رکھی وی ہے 'جے ڈی این اے' توں بعد؛ ظاہری جسا مانہہ یہ انگلی ہی ہیں جن کا نقش کدے وی دو انساناں کا ایک ساں نہیں ہو سکتا۔ اج کا دور کو انسان اپنی مخصوص

کھینڈنو؛ مٹھی کھلنی وغیرہ۔ ہتھ ور پہلاں وقتاں مانہہ لوک گسٹری وی کریں تھا تے حساب وی جوڑیں تھا۔ انسان جد کسے ناملے تے ملاقات کی رسید وی ہتھ ملانو ہی ہوئے۔ اگر انسان بزار چلتو ہر انسان نا ہتھ ملا تو رہ گوتے فر رہ ہی جائے گو۔ البتہ ایک وقفہ توں بعد کسے سنگ مل گے ہتھ ملان کو مطلب ہے جے اس کے نال حالاں تعلقات چنگا ہی ہیں۔ دنیا ہمیشہ چنگا لوکاں نا ہتھ ملانے تے دوروں سیلوٹ کرے۔ پرستاراں نا دیکھ گے لوک ہتھ ہلانو وی غنیمت سمجھیں تے غریب نا ہتھ ملانو لوک مندو جائیں ور سچ یاہ ہے جے غریب کا ہتھ سونا کا ہتھ ہوئیں۔ موچی کو ہتھ بھانویں کا لک نال کا لوسیاہ ہوئے مگر وہ ہتھ اس سیٹھ کا ہتھ توں کچا چنگو ہے جس کا چٹا ہتھوں ور پتو نہیں کتنا غریباں کو خون رہیو ہوئے۔

انسان بیکاری مانہہ وی سب توں زیادہ ہتھ تیں ہی کم لے۔ جسراں انگلیاں کا کڈل کڈھنا؛ مچھاں نا تا دینو یا داھڑی بٹھنی۔ انسان نا کدے کدے محفل مانہہ وی بیٹھاں بیٹھاں کائے مزیدار سوچ پے جائے تے انگلی ناس مانہہ سوہڑ لے۔ جہڑی سوچ ہتھ نا نک مانہہ لے باڑے واہ سوچ مچ ڈوہنگی ہوئے۔ انسان نا اچانک کائے خوشی لہھے تے انگلی بند کر گے ٹھیکو کڈھ دسے؛ پچھتاوا مانہہ دواں ہتھوں کی تلی ملن ہوئیں؛ چنگلی گل سنتاں واں ہتھ کھاڈا پٹھ آجیں؛ ہستے ویلے ہتھ منہ ور آ جائیں؛ بھکھ مانہہ بکھیاں مانہہ؛ جد کائے بد بو آوے تے ہتھ تک نا پکڑ لیں تے شور گوگا مانہہ کناں مانہہ انگلی سڑ جائیں۔ انسان پریشان ہوئے تے دو ہتھ سر پکڑ لے؛ ہتھ پچیر انسان کا سارا جسم کا سب توں ہمدرد ہوئیں پیر کے ٹکر لگو یا سر گے خبر نا تے ہمدردی نا سب توں پہلاں ہتھ ہی پکچیں؛ درد کوئے وی ہوئے ہتھ ضرور ٹکور کرے۔ جسم کی صفائی کرنی ہوئے تے ہتھ ہی حاضر ہوئیں۔ کن کی کھرک ہوئے یا اتھروں پوچھنا ہوئیں تے ہتھ ہی حاضر ہوئیں۔ ہتھ انسان کا پورا جسامانہہ ہر جگہ بچ سکے۔ البتہ مور کھرکن واسطے ہتھ نہیں جاسکتو تے شاید موران کی کھرک وی زیادہ کھوری تاں ہی ہوئے۔ دوجی کسے جگہ کی کھرک نا کھرکن ہتھ فٹ مانہہ بچ جائیں۔ ہن انسان اگر ہتھوں نا کسے وی کھرک واسطے لے حاضر کرے تے یاہ فرانسائی فطرت توں باہر کی گل تے حیوانی خصلت ہے۔ ہتھ اتنا ہمدرد ہوئیں جے بواسری کا پتہ ور وی چا پکچیں۔ جی حضور کرن کی ایک ہور مندی عادت ہتھ نا ہتھ درازی جسی

ماریں تے خیر کی دعا لھیں۔ ہتھ کی ایکن ہور لڑائی گھسنا کاناں نال مشہور ہے۔ ہتھ نال کسے نا ہشیر یا چوکننا کرن نا جھک کہیو جائے۔ ہتھ ہولو ہولو جو کسے کا منہ ور) پیار نال (ماریو جائے تے تھپڑی یا تھپکی کہیو جائے۔ کسے کی کند نا حوصلہ یا شفقت نال ٹھپیرن ناٹھا پنویاٹھا پکو کہیو جائے۔ جے غصہ مانہہ کسے کا منہ ور ہتھ نچ گیواس نا تھپ؛ تھپڑ؛ تاڑو؛ کہیو جائے جے کسے کا منہ ور زور کی ٹاس نال ہتھ نچ گیوتے اگلا کو منہ رتو ہو گیوتے یوہ چھپڑ یا چنڈ ہوئے ور چنڈ گے بدلے چنڈ ضرور لھے یوہ ادھار ہتھو ہتھ مک جائے۔ چپڑ اولاد یا شاہگرد گے لگو تے سمجھو خیر ہے ہاں! جے کسے ہور کے لگو تے فر کھنجاڑا ہوئیں۔ گویا کہ ہتھ انسان کو پہلو لڑا کو ہتھیا روی ہے۔ ایک ضرب المثل ہے جو ہتھ کھا ہتھ نا دھوئے تاں کھو سجانا وی دھوئے۔ بھانویں اس مثل نا دوجی گلاں مانہہ بر موقع برتو جائے البتہ اگر چھڑی ہتھوں کی گل کراں تاں ہتھوں کو یوہ جوڑ مچ ضروری ہے۔ کئی کم تد تک نہیں ہو سکتا جد تک اس مانہہ جو تے کھو دوئے ہتھ شامل نہ ہوئیں۔ ان دواں ہتھوں مانہہ کھواڑا کا بنجو آ گیوتے انسان عمران تے کھلا اچا اجیرا رکھنا پرت گے سٹ چھوڑے تے فر ہاد پہاڑاں ناسل چھوڑے۔ پانی مانہہ اگر دوئے ہتھ چل گیا تے بندو اپنونا خدا وی بن جائے۔ ایک آذر کا ہتھ مانہہ چھنی تے ہتھوڑی لگ گئی تے وہ بے ڈول پتھر نا گھر گے کائے وی شکل ظاہر کر لے۔ ہتھ مانہہ قاضی کی قلم آئی تے کسے وی انسان کو رہائی؛ قید یا موت کو حکم ہو سکے۔ ہتھ مانہہ تسبیح آئی تے عابد نا ولی بنا گئی؛ ہتھ مانہہ تلوار آئی تے کئی گردن جسم نالوں کئی ہو گئیں؛ ہتھ مانہہ طاقت آئی تے ظلم کی چکیں فر گئی؛ ہتھ مانہہ کرسی آئی تے لوکاں کی تقدیر کا فیصلہ ہو گیا۔ ہتھ مانہہ حکمت ہوئی تے کئی بیماریاں کو علاج بن گیو؛ ہتھ مانہہ ہنر ہوئیو تے عقل نا حیران کرن آلا کارنامہ بن گیا۔ ہنر مند ہتھوں نے وے کارنامہ چھوڑیا ہیں جے آج تک انسان کی عقل حیران ہے۔ چاہے وے اٹلی کی تاریخی تے طلسماتی عمارت تے مجسمہ ہوئیں؛ چاہے وے اہرام مصر ہوئیں چاہے دیوار چین یا آگرہ کو تاج محل؛ ہنر مند ہتھوں نے اکھاں نا حیران کر رکھیو ہے۔ ایک کہاوت مشہور ہے جے تاج محل کی تعمیر توں بعد شاہجہاں نے کئی کاگیراں گا ہتھ کپ چھڑیا تھا۔ البتہ یوہ وی گولو ہی ہے۔

ہتھوں نال جڑی وی کھینڈ وی ہیں۔ جسراں پنچو کرنو؛ چوہو پکڑنو؛ اکس بکس

اچھوی کروا چھوڑے۔

ہتھاں گے بغیر ہر فنکار وی ادھورو ہی ہے۔ شاعر تے فلاسفر ہتھ ماہنہ قلم پکڑے تے خیال کاغذ و رکھیر چھوڑے؛ مصور ہتھاں ماہنہ برش لئیے تاں شہہ کار سامنے آنویں۔ موسیقار تاراں سنگ ہتھ رت پچھوڑ کرے تاں جاگے سر نال سر ملے۔ میں غالباً نکہت اقبال کی کتاب 'گریٹ مسلمز آف انڈیا' ماہنہ پڑھو تھو جے موسیقار اعظم نوشاد کا ہتھ پچن ماہنہ کئی بار ہارمونیم کی تاراں نال کپن ہو یا ہیں جدوہ اپنا تایا کی سازندہ راس کرن آلی دکان ورم کرے تھو۔ نوں ہی زندگی کا ہر شعبہ ماہنہ ضرورت آن آلا ہتھیار ماہنہ انسان کا ہتھ کی جگہ ضرور ہوئے جس راں دستو؛ بنو تھی وغیرہ۔ لفظ ہتھیار کی وجہ تسمیہ وی شاید ہتھ ہی ہے۔ جد تک ہتھ اپنی جگہ ورنہ لگے تے ہر ہتھیار بیکار ہے۔ فوجی بندوق کی ٹریگر ورتھ لاوے تاں گولی نکلے؛ ہالی جنگی پکڑے تاں زمیں اکیڑے جائے؛ موبائیل کی اسکرین ورتھ لاتاں جاگے ساری دنیا تھارے سنگ جڑ سکے؛ کمپیوٹر کا کی بورڈ ورتھ چلاتاں انٹرنیٹ کو فائیدو ہے؛ لوہا ہتھ ساڑے تاں اس کو چاہو بلے۔ ہتھ چان بغیر تکبیر نہیں ہوتی؛ ہتھ جوڑن بغیر کائے پوجا نہیں ہوتی۔ ہتھ دعا ماہنہ وی کم آنویں تے سجدہ ناوی مکمل کریں۔ سب توں زیادہ رخم تے پھٹ وی ہتھانا ہی کھانا پونیں؛ ہتھاں گے ہی ت ت کرنٹ چوبا تے لوندر وی لگیں۔ بوہاں باریاں پٹھ وی ہتھ ہی پچیر وچتھن ہوئے۔ دنیا کو کوئے انسان نہیں ہوسیں جس کو ہتھ سکور ہو ہوئے گو۔ ہتھ کی باری آوے تے اکھ کدے وی حال پچھن نہیں آتی بلکن دوروں ہی دیکھ چھوڑے البتہ ہر مصیبت ماہنہ ایکن ہتھ گے کم دو جو ہتھ ہی آوے۔ انسان کا سکھیا تے خوشحال رہن ماہنہ وی ہتھ کورول ہی پہلا نمبر وراوے جس کو ہتھ چل گیو اس کی زندگی کی گڈی چل گئی تے جہڑ وانگا انگا ہتھ پیر مارن 'کے بجائے ہتھ ورتھ دھر کے'؛ ہتھاں گو ہرون 'بن گے بیس گیو اس کو ہتھ تنگ' ہو جائے تے فر ہتھاں کی نھی وی دندان نال وی نہیں کھلتیں 'تے وہ ہتھ پھیلاں جو گو' ہو جائے تے آخر پیو سرور ہتھ دھر گے روے'۔ اس کر گے 'ہتھ ہلانو لوڑے'۔ جس کو 'ہتھ چل گیو' ہتھ توں ہتھ 'خبر ہی نہیں ہوتی جے 'ہتھو ہتھ' لوک اس نا ہتھاں ورتھ چالیں 'تے کے مجال کے کوئے اس گے 'ہتھ لاوے'۔ کہیں ہوئیں اے 'اپنا پیٹ کا پوت ہتھیں کتیا واسوت' ورتھ کدے کدے ہتھاں ورتھ

دھر گے رکھی وی 'اولاد وی چھیکو' ہتھوں نکل جائے 'تے ہتھ ہی نہیں آتی' تے ماں باپ کا ان پکھے 'ہتھ اٹھ جیوں' تے فرماں باپ کی پھری وی 'ہتھ ورتھ سریاں جماوے'۔

عام بول چال ماہنہ ہتھاں ورتھ کئی ایک اکھان تے محاورہ وی بولیا جیوں جس راں ہتھاں پیراں کی جان نکلیں'۔ 'جنواں ورتھ دھر گے اٹھو'۔ ہتھاں کا نوہنہ کا ناں کرنا'۔ ہتھاں کی مہندی لہنی'۔ ہتھاں ماہنہ ساہ نہ ہونو'۔ 'ہتھوں لکھ گے دینو'۔ 'اپنے ہتھوں چاگے دینو'۔ 'ہتھ کپ کے دینا'۔ 'دوئیں دوئیں ہتھیں دینو'۔ 'ہتھوں بھانہ دینو'۔ 'ہتھ خون نال بھریا ہونا'۔ 'ہتھاں گے چک مارنا'۔ 'ہتھ سر ماہنہ مارنا'۔ 'منہ ماہنہ ہتھ دینو'۔ 'قبر کی بھتی نا ہتھ لا کے مڑنو'۔ 'ہتھوں پیروں خاک ہو جانو'۔ 'پیراں پٹھ ہتھ دھرنا'۔ 'بتری کا بتری ہتھ ورتھ دھرنا'۔ 'ہتھ فیک کے اٹھو'۔ 'اپنا ہتھاں کی کٹھی'۔ 'ہتھاں آوے پیار دینا'۔ 'ایکن کی سڑے داڈھی تے ایک تپاوے ہتھ'۔ 'ہتھ سکھڑ کرنا'۔ 'ہتھاں ناکنی چھڑنی'۔ 'ہتھ ٹھاوا ہونا'۔ 'ہتھ جوڑ لینا'۔ 'ہتھ دھو چھڑنا'۔ 'ہتھ پیلہ کرنا'۔ 'ہتھ بدھیاوا ہونا'۔ 'ہتھ رنگنا'۔ 'ہتھ ملنا'۔ 'ہتھ دسنا'۔ 'ہتھ بھلنو'۔ 'ہتھ چانو'۔ 'ہتھ مارنو'۔ 'ہتھ رکھنو'۔ 'شفقت؛ اوڈ'۔ 'ہتھ کدھنو'۔ 'علیحدہ ہو جانو'۔ 'ہتھ ملانو'۔ 'ہتھ آنو'۔ 'ہتھ چبنا'۔ 'ہتھ لانا'۔ 'ہتھ گھمانا'۔ 'ہتھ دیکھنا'۔ 'ہتھ چلانا'۔ 'ہتھ چھنڈنا'۔ 'ہتھ جوڑنا'۔ 'ہتھ منگنو'۔ 'ہتھ چاڑھنو'۔ 'ہتھ دسنو'۔ 'ہتھ چھوڑنو'۔ 'ہتھ تارنو'۔

ہتھ کرنو تے ہتھ دھرنو چوکھراں نال جڑیا کجھ اوہجا قسم کا فعل ہیں۔ ہتھ نال ہی تعلق رکھن آلا کئی ہور ضرب المثل؛ نچے گھی ماہنہ ہونی۔ انگلیاں ورتھ نچانو۔ دندان پٹھ انگلی دینی۔ انگلیاں ورتھ گھو۔ مٹھی ماہنہ رکھنو۔ مٹھی ایک۔ انگلی کرنو۔ نوہنہ کا ناں کرنا؛ تاڑی مارنی۔ ڈڈو دسنو۔ ڈڈو نہ ڈرنو؛ انگھوٹھا ورتھ چاڑھ گے مارنو؛ انگھوٹھ چھاپ ہونو وغیرہ وغیرہ۔ ہتھ کی قدر بس اسے توں کچھی جاسکے جہڑ و جماندروں ہتھاں داروں ادھاہنو ہوئے یا کسے حادثہ ماہنہ جس کا ہتھ چلے گیا ہوئیں۔ ہتھ تو بغیر انسان کو جسم بے معنی ہے تے ہم ہم دنیا ماہنہ سبلاں جین واسطے ہر کسے سنگ ہتھ ملا گے چلنو پوئے تے ہتھ ملا لینو لوڑے۔

نکھیر و



عبدالروف کالوخیل
(مری، راولپنڈی)

دادو گل کرے تھو کہ ہم
ساراں اتیر پتیر بھائی نال راں
تھا۔ مہاری موت مرگ سانجھی
تھی۔ مہارا ماں کائی بیمار ہو جاتو
دو جا گاسنگ دے روٹی گو گراہ نی
لہہ تھو۔

جے کسی گو کائی بہارو گم جاتھی اسنا
ڈھونڈن واسطے سارا چلے تھا اس گی وجہ یا تھی کہ ہم نے کدے یونکھیر و
نی کیو کہ یونقصان اس گو ہے بلکہ یا ہی سمجھاں تھا کہ یو مہارو ہی
نقصان ہے۔ ہم نے رت گانکھیر اکدے نی کیا تھا۔
دادو اکثر اپناں بڑاں گوناں لیے وے تھوان گی گل کرے وے تھو۔
اج ہوں ایکل بہس گے دادا گی وے گل یاد کروں دے مناں اج گو
دور ہوران گا دور ماں نکھیر و کرتاں کائی بڑی گل نی لگتی۔
اج ہم نے نکھیراں گی وے لکیر لائی ہے جھڑی آن ہالا دور ماں ہور
پکی ہوتی چلے گی۔

جھڑی آپت مہارا دادا ماں تھی و مہارا بابا پ ماں نی جھڑی مہارا ماں ہے
واکل مہاری اولاد ماں نی ہو سے۔ ہم رت گی نائیداری گانکھیر و
کرتاں دوری گی اس لکیر ناں اپناں ہتھاں دے اتو باٹو کر گیا جس
ناں مٹا نوچ اوکھو ہے۔

میں اپنا اک سنگی تیں پکھو یو یار مناں ایک گل دے دس تناں تیری اٹھ
پیڑی ددھیال ہور ست پیڑی ننھیال ماں کت تک ناں یاد ہے۔ وہ
کہن لگو پہلاں یادس یا اٹھ پیڑی ددھیال ست پیڑی ننھیال کے

وے۔۔؟

ہوں اس گو یو سوال سن گے سمجھ گیو کہ سنگی ناں کجھ خبر نی۔
میں سوکھا حرفاں ماں پکھو تیرا دادا گوناں کے ہے۔۔۔؟؟
اس نے دادا گوناں دسیو
میں کہیو دادا گا باپ گو کیناں ہے۔۔۔؟؟
کہن لگو کوئی پتونی
اسی طرح نانا گوناں پکھو
لیکن یو سوال بھی نانا تک مک گیو

اس گل تیں اندازو ہو سکے کہ ہم لوگاں گا دماغ کتنی تیزی نال بدل گیا
ہور ہم اپناں بڑاں گوناں ہی دل دماغ تیں لا بیٹھا۔
ان نکھیر و ماں قصور مہارونی بلکہ ہمنان نکا ہوتاں جد کھید بڑا آنڑ گے
دیے تھا دے پہلاں ہی کہہ چھوڑے تھا پچو یا تیری واہ کھید اس گی۔
یہ گل سنتاں سنتاں اج ہم زمی کمر و مکان نو کمری سیاست کھانڑ لائز ہر
شے ماں نکھڑ گے رہ گیا۔

ہور اج تک نکھڑتا نکھیر و تاں ہی اپنی زندگی گی تیز گام چلاں لگا۔
جے ہم یا سوچ گے اس دنیا ماں ساہ لیاں کہ مہاری دولت زمی گھر
قوم قبیلو قبرستان سب سانجھو ہے دے مہارا نکھیر و اکدے نی ہو سے۔
ہمنان ہور کجھ نے دے روز دس منٹ اپنی اولاد ناں جوڑن ہور جڑن
گی تربیت دینی ہے تاں جاگے نکھیر و لکیر مٹے گی۔ ہور اس نکھیر و
حرف ناں اپناں گھراں تیں دور کر نو ہے۔

دادو اکثر ایک گل بولے وے تھو
پچرب نکھڑی قبر بھی نہ کرے آمین

تبدیلی ویلا کی لوڑ ہے



تحریر: معاذ خان
حویلی آزاد کشمیر

آں۔ جس ویلے ہمنان اپنی تمام تر توانائی تعلیم کا حصول پر خرچ کرنی تھیں اور نال نال اپنی زبان تے ثقافت نامھ بچان واسطے توجہ دینی تھی اس ویلے ہم اپنا طریقہ کار اور اپنا طرز حیات ناں نہیں بدل سکیا۔ وے لوگ جیڑا مہاری زمیناں تے حویلیاں مانھ کام کاج کریں تھا، لیکن انہاں نے اپنا طریقہ کار بدلایا، اپنی زندگی جین کو انداز بدلیو تے آج وے لوگ مہارے اوپر حکم چلا رہیا ہیں۔ ان لوکاں کی ترقی کولوں مہارواج کو جوان اتنا خانف ہے کہ نیم پڑھیوں لکھیوں اپنا آپ ناں گجر کھلواتا اوں شرم محسوس کرے تے گوجری زبان مانھ گل بات کرتاں شرمے۔ یہ حالت مہاری ایک دودن مانھ نہیں ہوگی بلکہ جت اس کا ذمہ دار مختلف عناصر ہیں ات گجر خود بھی اس چیز کا ذمہ دار ہیں کہ انہاں نے اپنی حالت بدلن واسطے، اپنا انداز زندگی، اپنی قدیم روایات، رسم و رواج اور اپنی بچان گوجری زبان کا تحفظ اور بہتری واسطے کوئی خاطر خواہ اقدام نہیں کیا۔ گزشتہ کچھ دہائیاں تو جس طرح گجر نوجوان اور اس کا اکابرین نے گوجری زبان تے ثقافت ناں بچان واسطے جیڑی کوشش کی ہیں وے سنہری حروف ماں لکھن کے قابل ہیں۔ مختلف گوجری شاعر، مصنف، ڈاکٹر اور ماہر تعلیم وے یا پھر بابائے گوجری رانا فضل حسین صاحب کی صورت ماں گوجری بچان کی کوشش یا پھر ڈاکٹر مسعود چوہدری کی صورت ماں گجر قبیلہ کی فلاح و بہبود کی صورت ماں ویں انتہائی قابل رشک ہیں جن پر قبیلہ کو ہر فرد فخر تہیڈھیہا محسوس کرے۔ آج ضرورت اس امر کی ہے کہ گجر قبیلہ کا ہر پیرو جوان اپنوخاندانی پیشوزمینداری کے نال نال تعلیم کے اوپر بھر پور انداز توجہ دے تاکہ ہم نامھ صرف تعلیمی میدان مانھ کامیابی کا جھنڈا لاوں بلکہ اپنا ڈوگا بچو اپنی کنک، مکئی تا دوجہ اناج بھی پیدا کر سکاں اور اپنی ڈھوکہ ناں آباد کر سکاں۔ اور یہ اس وقت اس معاشرہ کی اور اس بدلتی دنیا کی ضرورت ہے اور اگر آج ہم نے ان معاملات پر توجہ نہیں دتی تے عین ممکن ہے کہ اگلا دور مانھ مہاری نسل جیڑی اس وقت شرم محسوس کر رہی ہیں اس خوبصورت زبان تے ثقافت ناں مکمل پہل جییں گی۔

انسانی زندگی مسلسل تبدیلی کو ناں ہے۔ اس معاشرہ مانھ جس مانھ ہم بسا لگا و اہاں مہارے تو پہلا مہارباپ دادو بے تھو، مسلسل تبدیل ہو رہیو ہے۔ ضروریات زندگی مچ بدل گئی ہیں۔ وے چیز جیڑی باپ دادا کا دور مانھ اہمیت کی حامل تھیں آج انہاں ناں

کوئی نہیں پچھو اور وے بزرگ لوگ وی اس زمانہ کی چیزاں نامھ شائد اس طرح اہمیت نہیں دیتا۔ زندگی اتا چڑھا کو دو جوناں ہے تے اس ماں تبدیلی کی بڑی اہمیت ہے۔ اگر کوئی شخص اپنی زندگی ناں مسلسل نہیں بدلتو تے وہ بدلتا معاشرہ نالوں مکمل کٹ کے رہ جے۔ ہم ناں یہ گل سمجھنی پے گی کہ کوئی بھی شخص کسے ایک چیز کے سہارے اپنی زندگی نہیں گزار سکتو، اگر زندگی مانھ ہمیشہ خوشی رہیں تے ان کی بھی کوئی اہمیت نہیں رہتی اور مسلسل دکھ بھی زندگی ناں رہن کے قابل نہیں چھوڑتا۔ یا ایک حقیقت ہے کہ ہر چیز کی اہمیت تبدیلی نال ہے۔ جیڑی چیز خود ناں جتنو زیادہ بدلے گی وہ چیز اتنی ہی دیر معاشرہ مانھ رہ سکے گی اور یہ مثال انساناں سمیت ہر اس چیز پر لاگو ہوئے جیڑی اس مادی زندگی اور اس انسانی معاشرہ نال جیڑی بھی ہے۔ قدرت اپنی مخلوق ناں تبدیلی کی اہمیت بڑی خوبصورتی نال سکھایے۔ دن رات کی مسلسل تبدیلی، چاند کی شکل و صورت مانھ ردو بدل، اسکو کدے ہلال تے کدے چوہویں کی صورت مانھ دسنو، اور اسی طرح سال اور موسماں کی تبدیلی یو پیغام دے کہ اپنی ذات کے اندر مسلسل تبدیلی آ نو پھر اس تو کوئی فرق نہیں پتو کہ یہ تبدیلی تم اپنی ذات فرد واحد ماں لیا رہیا ہیں، قبیلہ مانھ یا پھر قوم مانھ۔ گجر قوم برصغیر کی بڑی قوم ماں نامھ شمار ہوئے لیکن بد قسمتی نال شائد ہم نے اس حقیقت ناں نظر انداز کیو جسکو نتیجہ ہم آج بھگت رہیاں

کہانی

ڈبٹو کے نہی کرتو



چوہدری عاصم الحسن
کیرنی حویلی کھوٹہ آزاد کشمیر

مکھنی "اڑیا ٹھیک ہی کہیں نمبردار ہو روی میر و گلبدین اک ہی اے کد ماشراں غی
چپڑک چہل سکے غوسکول مانہ رہن دیو جیتورے منگ غے کھالے غو"
دن گزرتا گیا گلبدین 14 سال غی عمر تک پوچ گیو ہنٹر مکھنی کول وی اک لسری
نے آن ڈیڑولا پو بشیرا نا کہن لئی "اڑیا اک دے اکل سری نے مار چھوڑی دو بے
میر و دل کہے بے ہوں اپنڑے جیتیں گلبدین غی خوشی دیکھ جاں"
مکھنی نے اپنڑی بڑی بہن جہڑی شہر مانہ رے تھی اس غی کئی گدری (کڑی)
زینب و گلبدین غورشتو کرا لیبو۔

سال تیں بعد کجھ نمبردار ہوراں نے تعاون کیوتے کجھ مکھنی نے اپنڑوں زیورنچ
غے گلبدین غو بیاہ کرا لیبو۔ زینب گھراں مانہ بالکل نوی نویلی دلہن تھی واہ دیسی کم
بالکل وی نہی جائزے تھی لکڑیاں و دروٹی پکانی وی اس واسطے مشکل تھی۔ مکھنی تے
زینب غی آپس مانہ اسے وجہ تے نہ بنڑے تھی آئے روز کھر مانہ مارڑائی ویں تھی۔
زینب غا رہن سہن غوشہری طریقہ تھو۔ اس ناکائے وی دیسی غذا۔ چنگی نہی لگے تھی۔
بیاہ غے چوتھے (4) سال نمبردار ہورتے چھویں (6) سال بعد بشیر فوفت ہو گیا۔
ہن گلبدین غوسہارا اللہ تیں علاہ کوئے نہی تھو مکھنی وی کم کاج تیں قاصر تے موت
غی ماری وی منجھی تک ہی محدود ہو گئی۔ گلبدین غو ذریعو معاش کوئے نہی تھو۔ گل
فاقاں تک پوچ گئی۔ اس غی ہی ہم عمر لوک ملازمت پیشہ تھو۔ اج اس نا پڑھائی غی
اہمیت غو انداز و ہور ہو تھو۔ گلبدین کھر غا حالات تو تنگ تھو وہ ہر مزار و ردعا واسطے
جئے توتے کھر غی تنگی دور کرن واسطے منت منے تھوتے دعا کرے تھو۔ گلبدین سوچے
تھو بے شاید کسے غا جادو غو اثر اے تے کھر غا حالات خراب ہیں۔

اسے دوران اس غی ملاقات اک ایسا پیر نال ہوئی جہڑو پیسہ ڈبل کرن غو کہہ تھو
گلبدین نے دس ہزار پیر صاحب دے چھوڑ پیر صاحب نے دسیو بے وے
اپنڑاں علم کے مطابق پندرہ (15) دنان مانہ پیسہ ڈبل کر دیں غا۔ گلبدین نا امید
غی کرن نظر آئی و پندرہ ٹیاڑاں بعد پیر صاحب اپنڑاں پتہ ورنہی تھو اسطرے
گلبدین غو وہ 10 ہزار جہڑو بشیرا نے اپنڑاں وقت مانہ بنک مانہ رکھیو تھو اس تیں
وی ہتھ ہو بیٹھو۔ جس ویلے گھراں غا اک بزرگ نے یا گل سنڑی وہ کہن لگو
"گلبدین غی غلطی نہی غلطی ساری بشیرا، مکھنی تے اللہ بخشے نمبردار ہوریں غی اے باقی
گلبدین بے چارو کے کرے ڈبٹو کے نہی کرتو"

گلبدین اک غریب گھرانہ
مانہ پیدا ہو یو۔ البتہ گلبدین ماں باپ
نے لاڈ پیار سنگ پایو۔ گلبدین اپنڑاں
ماں باپ غی اکلوتی اولاد تھی۔ اس غو باپ
بشیر و 30 کنال زمین غو مالک تھو جہڑی
کہ گھراں غا باقی زمیندار غے
سامنڑے کجھ حیثیت نہی رکھے تھی۔

گھراں مانہ بشیرا غی معاش غو ذریعو
اک ہی شخص یعنی گھراں غا نمبردار ہور

تھا۔ یہی وجہ تھی کہ بشیرا ناکدے زمینداری غی ضرورت پیش نہی آئی۔ کیوں بے
گلبدین، بشیرا دے اس غی بڈھی مکھنی غو گزارد و نمبردار ہوراں غا ڈیڑا اور ہو جئے تھو۔

گزرتا تہاڑاں غے نال نال گلبدین بڑو ہو تو جا رہو تھو ہن گلبدین غی زمہداریاں
مانہ وی اضافو ہو تو جا رہو تھو وہ ہن نمبردار ہوراں غا مال چوکھر نال رہن لغو تھو۔ اس
غو پور و دن مال چوکھر نال تے گھراں غا دو جانکا تے نکلیاں نال کھڈتاں گزرنے
تھو جہڑا کہ نمبردار ہوراں غا چوکھر نال نال ریں تھا۔

گھراں مانہ اک پرائمری سکول تھو بشیرا غی دلی خواہش تھی کہ گلبدین چار جماعت
بڑھ جئے تاں جئے وہ چٹھی بڑھن غے قابل ہو جاوے۔ لیکن بشیرا نا ڈر تھو کہ کدے
نمبردار ہوراں نایا گل نا گوار نہ گزرنے۔

کجھ دو مہینہ اسے سوچ بچار مانہ گزریا آخر اک دن بشیرا نے ہمت کی نمبردار
ہوراں غی خدمات مانہ حاضر ہو یو۔

"نمبردار جی گھراں مانہ پنج (5) جماعتاں غو سکول اے میری خواہش تھی بے
کدے گلبدین وی چار (4) جماعت پڑھ لیتو دے کم از کم چٹھی پڑھ لیتو۔ نمبردار
ہو کہن لغا "اورے بشیرا کے کرے غو گلبدین تیر و 4 جماعت بڑھ غے؟ جد تک
ہوں زندو ہاں تناں تے تیرا گلبدین نا کسے چیز غی کی نہی آن لگی لکھو سکھو لیتو رے غو"
بشیرا نے وی سن غے چپ لائی تے چلتو بڑیو۔

کھر پوچو مکھنی کہن لئی "اڑیا کے نمبردار ہور کے کہیں؟" بشیر و "نمبردار ہور کجھ نہی
راضی گلبدین نا سکول ٹورن ور"

مسافر

"آیوکتوں ہے؟"

"جتوں سارا آویں"

"ہور کوئی نیں تھارے نال؟"

"نہ جی، مسافر تے کلا آویں تے کلا ای جائیں"

پچھن آلا وی اپنی ہارمن جائیں تھا۔۔۔ چپ ہو جائیں تھا۔۔۔ اس نال نیم پاگل سمجھن لگیں تھا۔۔۔ اس نال عجیب نظراں نال دیکھن لگیں تھا۔۔۔ وہ انھاں نظراں نال چنگی طرح پہچانے تھو۔ اس گلوں اس کی کوشش تھی کہ آبادی کولوں دور دور رہو جائے۔

یوہ سفر شروع کرن تیں پہلاں وی وہ مچ دفعہ سفر کر چکیو تھو۔۔۔ بیرون ملک، صحراں تے سمندراں غا سفر۔۔۔ اپنا دوست احباب غے نال وی سفر کیا تے کاروباری شخصیات نال وی۔ اس تیں علاوہ وہ اپنی مصروفیات وچوں وقت کڈ غے کسے نہ کسے سفر پر روانہ ہو جائے تھو۔۔۔ نویں نویں جگہاں، مختلف لوکاں تے رہن سہن نال دیکھن اور سمجھن غوشوق تھو۔۔۔ اپنا ملک کا تقریباً سب علاقہ دیکھ رکھیا تھا۔۔۔ بیرون ملک وی کافی مکاں ماں جا چکیو تھو۔

اس دفعہ کو سفر کجھ الگ تھو۔ اس نے کلاں ای سفر پر جان کو فیصلو کیو۔ اس کا سارا دوستاں نال وی یوہ کم مشکل لگے تھو۔ پراسکی سوچ وکھری تھی۔ اس نے سفر کی ٹھان لی تھی، مشکل تے سٹلا کی گل ای نیں تھی۔ بغیر کسے لوکیشن میپ تیں۔۔۔ ڈیجیٹل دنیا کولوں دور۔۔۔ بس چند ضروری اشیاء کے نال شہر کا بس اڈا پر پہنچو، ٹکٹ آلی کھڑکی کے سامنے کھڑو بس کا مختلف سٹاپ تے منزل دیکھتو رہو، پھر اس نے آخری سٹاپ کو ٹکٹ لیو۔۔۔ بس تے پورا دن کا سفر تیں بعد اپنی منزل پر پہنچ گئی۔۔۔ پراس کی کوئی منزل تھی نہ ٹھکانو۔۔۔ نہ ہی وہ کسے منزل کو متلاشی تھو۔۔۔ جیاں کوئی روڈ نظر آئی چل پیو۔۔۔ فرروڈ چھوڑ غے کوئے رستو نظر آئیو اس ور

وہ تھوڑی دیر اس جگہ رُکیو

تھو۔۔۔ بالکل خالی ہتھ۔۔۔ لمبو

پینڈو چل چل غے تھک وی گیو

تھو۔۔۔ دور دور تک کوئی آبادی

نیں تھی۔ اس نے ایسوعلا تو رہن

واسطے خود منتخب کیو تھو، عجیب آدمی

تھو، اس غی اپنی سوچ تے اپنی دنیا

تھی۔ اتنا بڑا شہر ماں اس کول ہر وا

چیز تھی جس کی تمنا ہو سکے، گھر، گڈی، وسیع کاروبار۔۔۔ پرجس ویلے انسان کی سب خواہش پوریں ہو جائیں تے دو انتہا شروع ہو جائیں۔۔۔ یا تے انسان کی خواہشات لامحدود ہو جائیں یا انسان سب کجھ تیاگ غے کوئی اور رستو دیکھ لیں۔ دنیا داری کولوں من بھر جائے۔۔۔ سب بے تلوگن لگے۔ سب کجھ حاصل کر لینو وی خالی پن کی وجہ ہے۔ انسان مسلسل جتو ماں رے، فرای اس نال سکون ملے۔۔۔ یاہ وی اک الجھن ہے کہ سب کجھ کر لیو، ہن کے کیو جائے۔۔۔ یوہ سوال آئے تے رستہ وی خود سامنے آ جائیں۔

اس مسافر غی وی یاہ ای الجھن تھی۔۔۔ مسافر؟۔۔۔ جی مسافر۔۔۔ اس نے ہر ملن آلا نال یوہ ای نال دسیو۔ کسے کولوں رستو پوچھو تے یوہ ای تعارف۔۔۔

"ہوں اک مسافر ہاں، اگے جان غور رستو کیہڑو ہے"

"اگے کت تک جانو اے پہائی"

۔۔۔ "بس اگے جیاں وی رستو جائے"

یوہ جواب سن غے پچھن آلا آخر پچھ ہی لیں تھا، "توں ہے کون پہائی"

"ہوں اک مسافر ہاں"



بانو چوہان

بھیرہ، آزاد کشمیر

نے سوچو۔۔۔ وہ اس وقت انسان غا ابتدائی دور غی حالت ماں ہے۔۔۔۔۔
 صرف قدرت اور انسان۔۔۔ قدرت نے انسان ناں رہن سہن کو طریقہ
 سکھایو۔ قدرت نے غذا مہیا کی۔۔ پناہ وی دتی تے خطرات کولوں بچن
 کی اٹکل وی سکھائیں۔۔ وقت غے نال انسان ترقی کر تو گیو۔۔۔
 قدرت کولوں وی دور ہو تو گیو۔۔ بستیں بازاراں ماں تبدیل ہوتیں
 گئیں۔۔ اور انسان نے قدرت نا، اپنے جیسا انساناں نال نفع نقصان غا
 آینہ ماں دیکھو شروع کر لیو۔

مسافر نے وی قدرت نال دوستی کر لی۔۔۔ اس کی صبح شام قدرت نال
 گزرن لگیں۔۔۔ قدرت کول سب کچھ موجود تھو۔۔۔ زندگی واسطے ہر
 بنیادی ضرورت۔۔۔ مسافر نے تے قدرت نال دوستی کر لی تھی۔۔۔
 قدرت غا گہواراں رہ غے شفافیت آ گئی تھی۔ قدرت تے بے لوث
 وے۔۔۔ پر انسان تے سماجی جانور ہے۔۔۔ زیادہ دیر سماج کولوں
 دوری نہیں ہو سکتی۔ اک دن مسافر نے سوچو، کیوں نہ روزگار غی تلاش کی
 جائے۔۔۔ وہ اک بازار ماں نکل آ یو۔۔۔ بازار ماں اس ناں آن غے
 لگو کہ دنیا ماں اک دم بھونچال آ گیو ہے۔ ہر کوئے اپنی دوڑ ماں
 تھو۔۔۔ کوئے بیچ تھوتے کوئے انداد خریدے تھو۔۔۔ کسے کول
 لین غی سکت نہیں تھی۔۔۔ تے کسے کول بچن واسطے کچھ نہیں تھو۔۔۔

سب میں زیادہ جیہڑی چیز بک رہی تھی اور مہنگی ترین۔۔۔ وا تھی۔۔۔ ناں
 ۔۔۔ ناں بکیں تھو۔۔۔ تے ہتھو ہتھ بکیں تھو۔۔۔ جیڑا خریدیں تھو۔۔۔
 انھاں کو سراچو۔۔۔ جیڑا نہیں خرید سکیں تھو وے حسرت نال دیکھتا رہ جائیں
 تھو۔ ناں بچن واسطے ناواں آلاں نے کے جتن کیا تھو۔۔۔ یا کیا وی تھو کہ
 نہیں۔۔۔۔۔ اج اناں کا ناں کو سکھو چلے تھو۔ اس ناں کا پیک ماں وے کے
 بچیں تھو۔۔۔ اس نال کیسے غی غرض ہی نہیں تھی۔۔۔ خریدن آلاں
 واسطے یوہ ہی کافی تھو کہ وے اس ناں نا خریدن غے قابل ایں۔۔۔
 انھاں کو سرا سے تیں اچھو۔۔۔ لیڈر تیں لے غے جوتی تک اچوناں چلے
 تھو۔۔۔۔۔ بے شک جوتی تے لیڈر ادھار ستہ ماں ساتھ چھوڑ جائیں۔

چل پیو۔ کدے کسے پہاڑ پر رات گزارا تے کدے کدے۔۔۔۔۔
 اک تہاڑے چلتاں چلتاں اس ناں اک جھونپڑی نظر آئی، وہ اس
 جھونپڑی کے سامنے اک بڑا پتھر پر بیٹھ گیو۔۔۔ جھونپڑی بہت پرانی
 لگے تھی۔۔۔ شاید مچ پہلاں ات کوئے رہتور نیو وے۔۔۔ آس پاس جنگل
 تھو، کائے آبادی نہیں تھی۔۔۔ اس نے اپنو بیگ پتھر پر رکھیو۔۔۔ اس کو
 سر ہانو بنا کے ستان واسطے لیٹ گیو۔۔۔ تھکاوٹ کی وجہ تیں اس ناچونہ
 چلیو کہ کس ویلے سو گیو۔۔۔ جس وقت آنکھ کھلی، دیکھن لہن آلو تے شام
 ہون آئی تھی۔۔۔۔۔ وہ اٹھ غے آس پاس کو جائزولین لغو۔ یاہ اک اچی
 پہاڑی تھی، اس ویلے اگے سفر کر نو مشکل تھو۔۔۔ ویسے وی اس کی کہڑی
 منزل تھی جت پوچن کی جلدی ہوتی۔۔۔۔۔ بھگ وی لگی تھی۔ اج اس
 کول بسکٹ غو آخری پیکٹ تھو۔۔۔ اس کی پچھلی زندگی کی آخری نشانی تے
 جمع پونجی۔۔۔ بسکٹ کھا غے پانی کی تلاش شروع کی۔۔۔ اس ناں زیادہ
 دور نہیں جانو پیو۔۔۔ اک چشمو نظر آ گیو۔۔۔ پیاس بھائی تے واپس اسے
 پتھر پر آن بیٹھو۔ آس پاس طرح طرح کا درخت تھو۔۔۔ پھلدار درخت
 وی تھو۔۔۔ وہ یوہ دیکھ کے حیران رہ گیو کہ ات وے پھل وی تھو جیہڑا
 شہر ماں مچ مہنگا بکیں تھو۔۔۔ پتھر پر بیٹھا واں اس نے دیکھو بے بسکٹ
 کھاتاں جیہڑا پھوڑاٹھا تھو، مچ ساریں چیونٹیں انھاں پہوراں ورجع ہو
 گئیں تھیں، اج اگر وہ ات نہ اتو فروی رب اس اپنی مخلوق کا رزق کو
 بند و بست ضرور کر تو۔۔۔۔۔ یا اج غور رزق اس غا وسیلہ نال طے تھو۔۔۔
 شاید وہ اتو لبوس سفر کر غے تاں ای ات پہنچو۔ ہر چرند پرند غا رزق کو وسیلو
 وی طے ہے۔ رزق واسطے جستجو تے ہر ذی روح نے کرنی ہے۔ لیکن اللہ
 تعالیٰ کی ذات کو فیصلو وے کہ کس ناں کتنی کوشش پر کتنو ملے۔ اس کی
 ساری مخلوق وچ انسان رزق غے نال نال مچ کچھ اور حاصل کرن کی جستجو
 ماں اے۔ اک چیز لبھن تیں بعد کوئی اور۔۔۔ غرض اس جستجو کی کوئی حد
 نہیں۔۔۔ اس دوڑ ماں کوئی کسے غو نہیں رہتو۔۔۔ وہ خود نفع نقصان اور جمع نفی
 غی دنیا ماں رہیو تھو۔۔۔ اس جھونپڑی غے سامنے پتھر پر بیٹھاں واں اس

آویں تھیں۔۔۔۔۔ لین آلا لیتا جائیں تھا۔۔۔۔۔ کہ سستیں مل جائیں
تے اگے مہنگے مل بک جائیں۔۔۔۔۔ مجبوریں تے بھاتا وی نہیں کر
سکتیں۔۔۔۔۔ صرف مجبوریں نال بھاتا چل سکے تھو۔۔۔۔۔

اس مسافر نے اس بازار ماں ان دستیں چیز بکتیں دکھیں۔۔۔۔۔ کدے رشتہ
بکتا نظر آیا تے کدے محبت۔۔۔۔۔ کدے بے چارگی بکتی نظر آئی تے
کدے بے کسی۔۔۔۔۔ کدے کڑواہٹ بکتی تے کدے مٹھاس، کدے
دشمنی بکتی تے کدے دوستی، بصیرت وی بکتی تے بصارت وی، کدے
جھوٹ بکتی تے کدے منافقت، کدے زبان بکتی تے کدے ضمیر،
کدے دل بکتی تے کدے دماغ۔۔۔۔۔ بس لین آلاں نے لفظاں غی ملیع
کاری کر غے نال بنایا۔۔۔۔۔ نال بن غیاتے لین آلاں نے مال نہیں
دیکھو۔۔۔۔۔ نال ای دیکھو ہے۔۔۔۔۔

مسافر کول اس دنیا ماں حصو کھلن تیں کچھ وی نہیں تھو۔۔۔۔۔ قدرت
نے اس نال بالکل شفاف کر چھوڑ پوتھو۔۔۔۔۔ نہ اس کول نال تھو، نہ
الگ رنگ تے ذائقہ غا لفظ۔۔۔۔۔ لہذا اس نے وی شفاف لٹھ کو
لبادو لپیٹ غے اپنا ٹھکانہ غی راہ لی۔۔۔۔۔ کہ اگر دوبارہ دنیا غا اس بازار کو
رنگ چڑھ گیوتے قدرت کی مٹی کورنگ نہیں چڑھن لگو۔۔۔۔۔

ہسپتال تیں لے غے تعلیم تک، نال ہی چلے غوبے شک تم موت کا اندھا
کنواں ماں پہنچوں یا جہالت غا اندھیرا ماں۔۔۔۔۔
اس بازار ماں دوسری بکن آلی چیز تھی۔۔۔۔۔ لفظ۔۔۔۔۔ بلکہ اسرح
کہیو جائے تے ٹھیک وے گو کے نال تے لفظ لازم ملزوم تھا۔ نال
واسطے لفظاں غی ضرورت تھی۔۔۔۔۔ ناواں نے لفظاں کے ذریعے کاروبار
چکایو۔۔۔۔۔ لفظاں نے تصویر کو وجود و رخ دیکھن ہی نہ دتو۔۔۔۔۔ ہر لفظ ہر
رنگ ماں دستیاب۔۔۔۔۔ جیہڑ ورنگ تھارا کاروبار نال مناسب تم وہ ہی
استعمال کرو۔۔۔۔۔ یہ لفظ بھروسو وی دے سکیں تے دھوکو وی۔۔۔۔۔
کسے ویلے گل بات ضروری تھی تے لفظ مجبوری۔۔۔۔۔ ہون لفظ ضروری
تے گل بیکار۔۔۔۔۔ گل بات نال دفتر بھریو۔۔۔۔۔ پراک لفظ غا نال
کم ہو جائے غو۔۔۔۔۔ انھاں لفظاں غی بہت ساریں خاصیت وی
تھیں۔۔۔۔۔ کوڑ لفظ، مٹھا لفظ، گرم لفظ تے نرم لفظ، خستہ تے برجستہ لفظ
۔۔۔۔۔ سادہ لفظ تے بھڑکیلا لفظ، کدے گرماتا لفظ تھاتے کدے چنگھاڑتا
لفظ۔۔۔۔۔ جس موقع پر جس لفظ غی اچھی قیمت لیھے۔۔۔۔۔ اسے نال
استعمال کریو۔۔۔۔۔ اس بازار ماں مجبوریں وی بکیں تھیں۔۔۔۔۔ کوئے
انھاں نال لین واسطے نہیں آوے تھو۔۔۔۔۔ مجبوریں خود بکن تیں اگے

وَمَا أَرْسَلْنَاكَ إِلَّا رَحْمَةً لِّلْعَالَمِينَ

(اے محمد صلی اللہ علیہ وسلم) ہم نے تمناں ساراں جماناں

واسطے رحمت (بنا کے) ٹوریو ہے!

﴿سورة الانبياء، 107﴾



۱۰

دو چو حصو

شاعری

گوجری نظم پھر پتو لگے گو

نا نکھرا اپنا دس کڑے
 نا دل میرا نا کھس کڑے
 میری ہو گئی جان ترہس کڑے
 جا اوہلے ہو جا نس کڑے
 ہوں اکھاں ما اکھ پاؤں گو، تے پھر پتو لگے گو

یہ کھلا سٹ کے بال کڑے
 تو مارے بھٹی چھال کڑے
 تیرو لابو عین زوال کڑے
 میرا دل نا گیو اچھال کڑے
 ہوں ہتھ منکن آؤں گو، تے پھر پتو لگے گو

توں چنگا امیر گھرا نا کی
 توں عاشق محل مکاناں کی
 تیاں عادت روز دکاناں کی
 تو ماڈل نوا زمانہ کی
 ہوں اپنو حال سناؤں گو، تے پھر پتو لگے گو

روٹی آرڈر کر کے کھاؤں کی
 تو ماہر لیننگ بچاؤں کی
 تیاں لہر چڑھے سمجھاؤں کی
 نہیں تکی چہڑی تیں ساؤں کی
 ہوں کوٹھی کٹن لاؤں گو، تے پھر پتو چلے گو



چودھری بلال زم زم
 جموں کشمیر

مہیس ہیں چوکھرمال ہے مہارے
 کام کو خوب جنجال ہے مہارے
 دودھ کی کووی ٹھال ہے مہارے
 تہاڑی سونو گال ہے مہارے
 نکی لو جگاوں گوتے پھر پتو لگے گو

چاندی سونا بہراں کی
 تو سرتیں پیر امیراں کی
 کیوں لگی ہوں فقیراں کی
 جت محفل لگیں پیراں کی
 پنج نماز پڑھاوں کوتے پھر پتو لگے گو

اجیں وقت ہے کہن کو تیناں
 اپنی مرضی رہن کو تیناں
 سنگ میرے دکھ سہن کو تیناں
 جے نہیں روح اذن دین کو تیناں
 ہوں کائے اور بیاہوں کوتے پھر پتو لگے گو

جے گھر آ کے جنگ کرے گی
 من اپنا کی منگ کرے گی
 جے اپنا دس رنگ کرے گی
 زم زم جے مچ تنگ کرے گی
 پیوتے لے پجاوں کوتے پھر پتو لگے گو

غزل

حسن پیچھے پیا کچھ اک۔ کچھ اک تقدیر کے پیچھے
بٹائیں اکھ ہیں کس کس نے۔ مری اس ہیر کے پیچھے

ترے پھاں ٹریں یو پانیں ہے امیں کسراں تو کے جاں ٹریں
دلاں کا درد جھودھیں غم ہیں کتنا نیر کے پیچھے

دلا سے دے کے اس نے ہم پہلیکھے لا لیا آخر
اسے کا بھیس ما ٹریا ہم اپنا پیر کے پیچھے

کسے کو ہو بہو باطن تے ظاہر ایک ہو تو نی
ضروری نی ہوے انسان ہر تصویر کے پیچھے

ترو مسرور کہہ ہلیو ترے سر کے کے برتی ہے
بھلا کسراں چھپیں گا راز پائی لیر کے پیچھے



چودھری جاوید مسرور
بانڈی پورہ کشمیر

غزل

من لیو میں یار میری سادگی چنگی تے نی
توں وی اپنی دیکھ تیری بے رخی چنگی تے نی

جس کی خاطر خون دے گے شعر اس کے ناں کیا
اس نے کہو منا تیری شاعری چنگی تے نی

خوش خشاں ہیں لوک سارا تیرو رونو ہے فضول
اس خوشی گا نیل ماں وی غمزدی چنگی تے نی

دکھ تے قضا بھل بھلا گے مشکلاں نا پار کر
جینو سکھ لے مرد بن گے خود کشی چنگی تے نی

کتناں صارف بادشاہ تھا دیکھ مٹی ہو گیا
نال دنیا گے یاہ تیری عاشقی چنگی تے نی



صدام حسین صارف
جموں و کشمیر

غزل

سلور کٹ کے ہار نی بنتا

لکھاں گا انگار نی بنتا

دودھ پلا لے جتنو مرضی

سپ کدے دلدار نی بنتا

پتھراں ناں کے درد سناوے

بت کدے غمخوار نی بنتا

بھاویں چمکے سونا ہاروں

پتل گا رے ہار نی بنتا

خانم پہلاں سکھنو پوئے

اچا نیوں وقار نی بنتا



زاہدہ خانم

سرنگوٹ، پونچھ

غزل

غم کی کھاری سر در چا کے
 داغ ہجر کا سینے لا کے
 بولی طعنہ جگ کو ہاسو
 سہتو رہیو سر جھکا کے
 ہجر کی کالی راتاں اندر
 اٹھ اٹھ دیکھیا رستہ جا کے
 آس کو دیو بال کے رکھیو
 دل کی چھگی خوب سجا کے
 من جاتو جے عرضی میری
 رکھتو پلکاں اپر بٹھا کے
 اک نہ سنی اس نے میری
 اپنی گیو عین منا کے
 بے درداں کی بستی اندر
 کچھ نی لبھو لہو جلا کے
 رو ہن حسن بلییں باسین
 بکل اندر منہ چھپا کے



حسن دین حسن
حویلی، فاروڈ کھوٹہ

غزل

کم کر توتی پورا گن کے گل کرے تھو
اپنا کر کے رکھ تے ڈوگا مل کرے تھو

عاشق وہ تھو لے بدنامی پورا جگ کی
جذبو رکھتاں چیر کے پربت سل کرے تھو

مکھ دیکھن نانھ عاشق ٹریا چار چناری
چانن راتیں کم شیشہ کو ڈل کرے تھو

اُس کے سر تھا گل گراں کا سارا مسئلہ
جرگو لا کے وہ بستی مانھ حل کرے تھو

سنگت ڈٹھی سکھر مکھرے یار کی تاج
کے دسوں بے کے کے پچھل تے بل کرے تھو



چوہدری تاج دین تاج
اوڑی، جموں و کشمیر